

DISPUTATIO INAUGURALIS
JURIDICA,
exhibens.
DECADEM QUÆSTIONUM,
Quæ ubi
CASUS PRO AMICO

commendantur,
Ex variis Juris materiis & argumentis collectarum,
& publicè antehac prælectarum



CASPARO BITSCHIO, ICTO
& in Argentorat. Universit. Colleg. Jurid. Antecessore
Seniore, & Primario, &c.

*Quam in venerationem Nominis, piæ defuncti Parentis
editam,*

DIVINA FAVENTE ET ADJUVANTE GRATIA;

Decreto, Consensu & Auctoritate

**MAGNIFICI, NOBILISSIMI ET AMPLISSIMI JURISCONSULTORUM
IN HAC UNIVERSITATE ARGENTORATI,
ORDINIS,**

**PRO SUMMIS IN VTROQUE JURE HONORIBVS, PRIVILEGIIS
ET IMMUNITATIBUS DOCTORALIBUS, RITE AC LEGITIME
CONSEQVENDIS,**

*Publico & solenni Eruditorum Examini submitte,
Filius,*

JOHANNES MELCHIOR BITSCHIUS,
ARGENTINENSIS.

Ad diem XXXI. Mens. Octobr. Anno M. DC. L.

Recusa, Altorffi Noricorum.
Johannes Nicolaus Brückner, Anno M. DCC. XXV.

VIRIS
NOBILITATE, PRUDENTIA,
REVERENDA DIGNITATE, AMPLI-
TUDINE, CONSILIIS, EXPERIENTIA, AUCTO-
RITATE, RERUMQUE GERENDARUM DEXTERI-
TATE INSIGNIBUS, LIBERALIS STIPENDII
SCHENCKBECHERIANI EPHORIS

GRAVISSIMIS,

Dnn. Patronis, Evergetis & Promotoribus

*meis, omni honoris & observantia cultu atatem
suspiciendis, colendis.*

S. P.



Nullam Gentem, tam barbaram,

*samq; incultam esse, quin amore Parentum occulto
quodam instinctu ducatur, adeoque ab ipsa naturâ,
non vocis ministerio, non literarum usu, sed ta-
citi viribus, pietatem istam liberorum pectoribus
infundi, vel horridi evincunt Scythæ, quibus nihil
quàm pro Parentum monumentis pugnasse, sanctius erat. Polioris
ceris avi gentisque historia, memoranda eximia huius virtutis ex-
empla refert; ubi nec imbecillitas sexus, nec ætatis infirmitas, nec
presentis periculi magnitudo, liberos, quò minus parentibus auxilio
essent, abstrerrere potuerunt. Alium etenim Patrem adversis pugnan-
tem auspiciis, sauciumque graviter, interventu suo servavit. Alius
parentem in carcere defunctum, susceptis in se vinculis, ad sepulcrum
redemit. Muliebrem quoque sexum hoc nomine claruisse, pectorique
admosos parentes, incediã jam in carcere consumendos, infantum in-*

A 3

flar

DEDICATIO.

Bar, lactis sui subsidio aluisse, accepimus : adeò caritatem istam liberarum mentibus infusam esse, ut non sine magno quandoque stupore se exerat, cernimus; proinde aëroëyus istos & ingratos, non hominibus sed bestiis annumerandos esse censeo. Verum enimvero, ut tanta incommoda Parentibus optare, quò subvenias iudem, solidum esses, inhumana enim ista, & perversè grati animi natura est contra eum optare, cui honestè deesse non possis : ita quibuscunque modis amorem mentemque beneficiorum haud immemorem, cum sanctiore etiam lege obstricti simus, parentibus patefacere, officii nostri esse, omninò credendum est. Multos eximia filiorum virtus, quos dudum oblivio occupasset, tradidit posteris; ast ego felicior hisce, Parentis mei, (cujus memoria mihi sit in laude & veneratione filiali perpetuâ.) magni inter eruditos nominis, lucubrationes in lucem mittere, & quasi è tenebris, ubi aliquandiu jam latuere, eruere, dudum decrevi: existimans, nullà in re magis manes Ipsius venerari me posse, amoreque debitum testari evidentius, quàm si & doctissimorum Virorum, quos ipse quondam Amicos habuit, ego nunc Patronos summos experior, desiderio satisfacerem, & Scripta Ipsius, quæ non sine maximo labore & jacturâ sanitatù composuit, ab istis alienorum laborum compilatoribus, quorum egregium exemplum infra memorabitur, vindicarem : præcipuè cum multorum manibus teri Manuscripta ejus, me non fugiat, & incuriâ, vel ignorantia describentium, plurimè in locis depravata esse, facile sit conjicere. Ne igitur, vel sub nomine Illius non satù congruè edita, eruditionis, quâ pollebat, laudem bebetarent quodammodo, vel sub alio publica donata luci, ipse Vir optimus, laboribus suis defraudaretur, nihilque aut ipsius fama, aut emolumenti nobis accederet, ipse quâ decet, motus pietate, evulgare Ejus, quæ reliquit, Scripta constitui. Innotuerant hæc, quæ animo agitabam, consilia, Magnifico, Amplissimo, & Consultissimo Jctorum Collegio, qui animare me non modò singuli, sed instigare & impellere, gravioribus adductis rationibus, non destitère, utpote, qui & Parentis mei piè defuncti memoriam servare perpetuam, & me immerentem suo completi favore, certatim annuntiantur : Sub hac, peracto mecum Examine, cum de Disputationis Inauguralis themate eligendo, debito & consueto more Vîros istos, nullo non honoris titulo à me nominandos, consulerem, non aliam, quàm ex Parentis mei Scriptis, materiam, haud sinistro, sed loquebantur, omine, pro Cathedrâ defendendam esse, mihi Suasores

Aucto.

Auctoresque existeret, Quapropter initium propofui mei faclurus, Decadem istam Quæftionum, quæ ut Cafus pro Amico Interpretibus commendantur, sub Veftris potiffimum, Viri omni eruditionis & officii dignitate maximè confpicuus, auspiciis, in lucem prodire volui. Vos, piè defunctum Parentem meum, Veftro amore profectui, Veftro favore completti, amicitiam cum ipfo conftantem, finceram, non fucatam, colere fufinuiffis, Veftra quoque in me præclara extant beneficia; in conferendo enim munificentiffimo Schenckbecheriano Stipendio, maximo fanè, & neceffario ftudiorum meorum fubfidio, votis & fuffragiis Veftris mihi non defuiffis, adeoque filium, quo quondam Parentem, fovere ftudio, non dedignati eflis. Longum nec fine adulationis fufpicionem foret, fingula commemorare beneficia, pro quibus omnibus Vobis obftrictum eflè, meque totum & omnia mea debere, lubens profiteor; quare primitias hæcæ poftumorum laborum Parentis mei, amici & Collegæ olim Veftri, Magnificis & Ampliffimis nominibus Veftris, in grati animi pignus, devotè dicare fui aufus, ut, quemadmodum inviolata manebant ea, quæ Simulacris infcribebantur Deorum, ita inftitutum hoc meum, veneratio magnè Nominis Veftri, à virulentia Memoriarum præfaretur fecurum.

DEVM T. O. M. fupplex veneror, ut VV. NN. AA. in Ecclefia, Reipublica, & Schola emolumentum, quàm diutis fine Iofpites & incolumes fervare benignus velit. Valete & favete,

*Perfcript. Argentorati
die 17. Octobr. Anno
Chrifti 1650,*

Veftro

aditiffimo

Clienti

JOH. MELCHIORI BITSCHIQ.



I. N. S. S. T.

DE.

CASIBUS PRO AMICO

IN GENERE,

PROLEGOMENA.

I.



Um varietatis causâ, quæ *juxta* *Proverbium*, omnibus in rebus jucunda esse solet, visum fuerit ordinariam & consuetam docendi rationem, quæ in methodicâ tractione certi alicujus subjecti sive materiæ juris consistit, seponere: ejusque loco, ex variis ac quibuslibet juris nostri argumentis, *Selecta quadam* proponere atque examinare, exque non, vulgaria & trita, sed talia, quæ ab Interpretibus & Pragmaticis, vel ut *Casus pro Amico* vel ut *Quæstiones summi Principis* decisione indigentes, vel aliâs ut egregia, pulchra, singularia, mirabilia, pretiosa memorique mente tenenda commendantur: Nunc cum bono Deo ab iis, quæ summam videntur habere dubitationem, initium faciemus; eorumque exempla aliquot deinceps examinabimus.

2. Operæ pretium autem est, de ipsâ illa appellatione, quâ *casus pro amico* nuncupantur, aliquid præmittere: & unde orta ista traditio sit, ac quàm bene sese habeat, ostendere.

3. Ipsum genus loquendi plerique referunt ad *Jasonem* Maynum Mediolanensem, magni nominis Jurum, Antecessorem primo in Pisana, deinde in Ticinensi, denique in Patavinâ Academiâ, qui A. 1519. d. 20. Ap. vivere desuisse scribitur. Et certè frequenter
utitur

De Casibus pro Amico Prolegomena. 5

utitur Jason: veluti in *l. post dotem*. 40. (*aliàs est* 41.) n. 105. ff. *solut. matrim.* Iste passus est valde ambiguus. & esset quæstio in Practicâ pro amico, & in *l. in suâ*. 11. n. 10. ff. *de libb. & posthum.* esset ratio pro amico. & in *l. naturaliter*. 12. §. 1. n. 17. ff. *de A. vel A. P.* credo, quod iste passus valde sit ambiguus, & si contingeret in Practicâ, esset quæstio pro Amico. & in *l. qui in aliena*. 6. num. 35. ff. *de acq. vel amitt. hered.* esset quæstio pro Amico, si contingeret in facto: & in *l. qui hereditatem*. 19. n. 11. d. t. esset quæstio pro Amico, si casus contingeret in facto: & in *l. hereditas*. 4. n. 4. C. *de his quib. ut indign.* si casus contingeret, esset casus pro Amico, & in *l. tunc autem*. 37. (*aliàs est* 38.) n. 4. in fin. ff. *de re judic.* certè si ista quæstio eveniret in facto, esset quæstio pro Amico. (Ita quoque Matthæac. *de via jur.* lib. 2. cap. ult. num. 15 Hujusmodi rerum perplexitate, sese excusare conantur ineruditi, nec sibi vitio vertendum putant; si dixerint quæstionem esse *pro Amico*, in quâ id se paratos ostendunt consulere, quod amicus efflagitaverit: quare contraria sæpe eorum responsa contrariis referta sententiis, in lucem prodire solent. Decianus in *Apolog. advers. Alciat.* cap. 19. n. 17. Et in dubiis valde & perplexis Quæstionibus excusatur Judex, si *pro Amico* judicat, ut scribit Innoc. in cap. *ne innitarius* §. *de Constitut.* Bald. *consil.* 492. num. 1. in f. in 3 & Afflict. *decis.* 384. & c. 22. n. 15. Quandoque dubia potest esse causa ex varietate opinionum Jurisprudentium clarorum virorum, ideo, si talis occurreret casus, puto gratificationi locum fore, ut *salvâ conscientia possit pro Amico respondere* &c.)

4. Post Jasonem verò sic etiam locutos alios deprehendimus; veluti Udalricum Zasium in §. *quadam actiones mixtam*. 20. *Institutæ de Action.* num. 11. Johannem Nevizanum in *Sylvâ nuptiali*, lib. 5. n. 74. Franciscum Vivium in *commun. opinion. sub. lit. 1. §. Judex in judicando*, quod hodiè est in *Sylvâ commun. opinion. lib. 1. opin.* 398. num. 29. & 30. Catellianum Cottam in *memorabilibus*, sub verbo, *Inimicitia*. Jacobum Menochium lib. 2. *presumpt.* 71. num. 37. Jacobum Alemannum in *Palæstrâ consultationum*, *consult.* 8. p. 714.

5. Vocant autem casus *pro Amico*, casus dubios atque ambiguos, quorum decisio in arbitrio judicantis sit ita, ut pronunciare possit secundum quam partem velit, adeoque favere & gratificari Amico.

6. Suntq; duplices: alii facti; alii Juris; & de his quidem in specie, non de illis, hic nobis præcipue tractare est propositum.

7. Ho-

7. Horum igitur in specie *Casuum seu Quaestionum pro Amico* nomine. intelligunt Doctores Quaestiones Juris controuersas, de quibus tam diuersae & contrariae extant *Dd.* sententiae, ut *Judex* scire nequeat, quanam opinio sit communis, aut communior, atque in iudicando sequenda; ac proinde amplecti possit, quam velit: & sic in favorem amici sententiam dicere, cum peraeque pronunciare posset secundum alterum, si vellet. (Vbi notandum: quod communis opinio dicatur & absolute & relate, quam plures tenent: siue, quae est communior. Sicut enim minus bonum respectu maioris habet rationem mali: sic etiam minus communis respectu communioris, pro non communi est. Vnde etiam si plurimi aliquam opinionem teneant, tamen ea nec communis, nec in iudicando sequenda est, si altera sit communior. Exempl. *Gail. lib. 2. de Par. Publ. cap. 13. n. 12.* etiam si etiam sit benignior, *d. l. vid. tamen eund. Gail. l. 2. obs. 114. n. 8.*)

8. In talibus causis optimum dicunt esse habere *Judicem* amicum, propitium atque favorabilem, ut videre est apud *Nevizanum* & *Vivium*, *dd. locu.* *Gailium lib. 1. obs. 153. num. 9.* *Menoch. d. l. 2. prae sumpt. 71. n. 37. & in remed. 3. retin. possess. n. 762. & seqq. & l. 2. de arbitrariu iudicum causis, cas. 177 n. 6. & 7. & cas. 339. num. 22. & seqq.* *Greuae in proem. practic. conclus. num. 54.* *Hilliger. in D. B. lib. 3. cap. 23. lit. A. & lib. 24. cap. 19. lit. q. & lib. 26. cap. 2. sub lit. A. p. 1389.* *Treutlerum vol. 1. disp. 1. tb. 1. lit. b. & ibid. cum Bachovium in notis & animadversionibus, tum Hunnium in resolutionibus* (*Corat. lib. 2. de commun. opin. tit. 9. cas. 32. num. 172. qui & ibidem num. 173. monet: Rectè agere Advocatos, & Procuratores, qui in suis allegationibus & informationibus reddunt sibi *Judicem* benevolens, vocando eum doctissimum, acutissimum, celeberrimum, excellentissimum, &c.) Et quod de sententiis *Judicum* dicitur, idem etiam intelligendum est, de *Responsis* *JCtorum*: de quibus etiam in specie loquitur *Angelus Matthæacius lib. 2. de via Juris, cap. ult. num. 15.* prout eum refert *Hillig. d. lib. 3. cap. 23.**

9. Ortum hæc res habet ex eo, quod sicut in Ecclesia posthabito verbo Dei, traditiones humanæ pro divinis oraculis inva-
luerunt; ita in foro, neglecta voce legislatoris, glossæ & opiniones
Dd.

Dd., authoritatem juris & vim Legum obtinuerunt : Imò non vim tantum Legum, sed & contra & supra Leges. Tritum enim est illud Raphaëlis Fulgosi Antecessoris Patavini, (qui floruit circa annum Chr. 1430.) in *l. solum 6. C. de O. & A. & l. ad officium. g. C. commun. divid.* ubi postquam retulisset dictum Cyni, quod sicut olim Idola pro Diis, ita Glossatores pro Evangelistis adorentur : subjicit, volo potius pro me Glossatorem, quàm textum. Nam si allego textum, dicent Advocati diversæ partis, & etiam Judices : credis tu, quod Gloss. non ita viderit illum textum sicut tu ? Cui non multum ab simile, quod scribit Zasius in *l. ult. pr. ff. si cert. potat.* Ego credo, si glossa pareret elephantem, omnes Dd. sequerentur. & quod ex Josepho de Rusticis refert Bernh. Grevæus *lib. 2. præf. conclus. 136. confid. 1. num. 4.* Ea insaniâ ducimur ac vexamur, ut nisi Jus Civile communi Doctorum applausu recipiatur, omninò, veluti quid profanum negligatur. (Sicut in Papatu dicitur, quod Scriptura non intellecta secundum sensum Ecclesiæ, non sit scriptura &c. contrà, sicut omne aurum extra templum non est sanctificatum : Ita etiam omnis sensus, qui fuerit extra scripturam, non est sensus. Orig. in *Matth. homil. 25. Flor. in verb. Scriptura p. 1052.* Item, quod praxis Ecclesiæ sit optima scripturæ interpres &c. Vnde ut tanto similior esset hæc res traditionibus Dd. in Ecclesiâ, vocantur etiam hi Opinionistæ, *Patres*. Alii ad æquitatem confugiunt potius. Malè. Wefenb. in *Oratione de studio juris rectè instituen-do.* (præmissâ Instit.) p. 29.)

10. At cum naturalis hominum ad dissentiendum sit facilis, ut dicitur in *l. 17. §. 6. ff. de recept. qui arbitr. recep.* (Et Plin. *lib. 29. c. 1.* scribit : Medicorum circa ægros miseræ esse sententiarum concertationes, nullo Idem censente, ne videatur accessio alterius.) dissidentibus inter se Dd. ulterius progrediendum fuit. Nam ut rectissimè ait Vellejus Paterc. *lib. 2. Hist. c. 3. in fin.* Non ibi consistunt exempla, unde cœperunt, sed quamlibet in tenuem recepta tramitem, latissimè evagandi sibi viam faciunt : & ubi semel recto deerratum est, in præceps perveniunt. Itaque visum fuit, numerandas esse sententias, & ex quâ parte plures sint Dd. secundum eam pronunciare judicem & respondere Jctum debere : Id quod vocant Communem vel Communiorem opinionem in judi-

cando & consulendo sequi. (Hinc Knich. *de Vestitur. part. cap. 7. n. 4. & 113.* scribit : Perinde ut in Hermaphroditis spectamus, utra pars præponderet, & Cujac. qui (ubi autoritatibus agendum, sicut de Platone dictum in proverb. *Vnus instat omnium*, unus pro mille sufficit P. Fab. &c.) *lib. 12. Obs. 19.* in Judiciis deteriores sententiam valere præstat ; si numerosior sit, quàm in ponderandis sententiis &c. sicut & Alciat. *4. parerg. 17.*) Atque hoc adeò necessarium plerisque visum est, ut non minus per imperitiam judicare & litem suam facere dicerent Judicem, qui contra communem opinionem quàm qui contra Legem ipsam judicaret. Jason *in Auth. Novissima n. 22. C. de Inoff. testam. Gail. lib. 1. Obs. 153. n. 5.* Cotta *in memor. verb. Opinio.* & alii alibi passim : Inprimis verò latè hac de re tractant, Nevizanus *d. lib. 5. fere per totum.* Vivius *d. opin. 398. per tot.* Menoch. *lib. 2. præsumpt. 71. Per totum.* Freherus *lib. 2. de Fama. c. 18. fve ult. per totum.* & qui eam doctrinam solidè refutat, Henricus Nebelkræ. *lib. 1. decis. 1. per tot.* vid. etiam Hartm. Pistor. *lib. 2. part. 1. quæst. 15. n. 49. & 50.*

11. Quamvis autem iterum traditum à plerisque sit, Ejus communis opinionis, quæ evidentè falsa est, quæ lege convinci aut ratione meliori, urgentique ac vehementi convelli possit, rationem in judicando & consulendo habendam non esse : ut videre est apud Jasonem. *in d. auth. Novissima. n. 22.* Menoch. *d. præsumpt. 71. n. 24 & lib. 2. de arbitrar. caus. 339. n. 21.* Gail. *d. Obs. 153. n. 6.* Nevizanum *d. lib. 5. num. 67.* Freh. *d. c. 18. num. 34.* Cottam. *d. l. § ista omnia.* Hartm. Pistor. *vol. 1. quæst. 30. num. 24 & 25.* & auctores alios, inagno numero allegatos ab Osvald. Hilligero, *in d. lib. 26. D. E. c. 2. sub. lis. A. p. 1397.* (Sic Honded. *lib. 1. Confl. 65. num. 27.* Communem opinionem, ait sequendam esse *in dubio*, & quando non constat, quænam sit verior ; at cum constat, tùm veriorē sequi oportere. Michael Grassus *in præfatione sive Epistolâ dedicatoriâ sententiarum receptorum* ; Quæ melior ratio in controversis Juris Quæstionibus Imperialem decisionem desiderantibus, in selectione istorum excogitari potuit, quàm ut plures numero, nec juri aperto apertè, nec evidenti Juris rationi refragantes, paucioribus sint potiores. Similia ferè & cum indignatione adversus Grammaticos singularistas, habet, *in dedicat. libr. 1. Commun.*
opin.

opin. Joh. Andr. in cap. 1. de Const. dicit, in iudicando teneri posse novam opinionem unius Doctoris, contra communem opinionem, quando est melioribus & validioribus rationibus fundata, quod Iudex perspicacis Ingenii facile perpendet. *Zaf. lib. 1. conf. 4. num. 14. & 15. post Abb. in c. Capellanus de feriis.* Idem tenuit Claudius in *l. ut vim, 3. in fin. de Justit. & Jur.* Qui vult, si evidenter appareat, opinionem Glossæ & communem esse falsam, & doctrinam unius Doctoris esse veram, tunc à Glossa iuste recedi posse. *Zafius ibid.*) Alii tamen communis opinionis tantam esse auctoritatem volunt, ut vel supra legem veritatemque valeat; ac sequendam eam in iudicando esse dicunt, etiamsi contraria sententia sit verior. *Vivius d. opin. 398. num. 5. post Fulgos. in consil. 33. Matthæcius in tract. de Legat. & fideicom. lib. 4. c. ult. num. 16.* quod etiam ex aliorum sententia retulit, sed reprehendens, *Zafius lib. 1. conf. 4. num. 17.* quo facit, quod *Alciat. lib. 4. parerg. jur. c. 17.* scribit; Sicut in consiliis publicis non potuit aliud constitui, quam ut numerentur potius, quam ponderentur sententiæ, etiamsi major pars meliorem vincat: Ita ut in opinionibus Dd. licet possit unius forsan & deterioris existimatio, & multos & majores in aliquâ parte superare, sacrosancta tamen est opinio communis, h. e. quæ receptior est, & in quam plures Authores transierunt. Quod ipsum quoque ex dicto illo Fulgossii supra relato sequitur: Quod scilicet pluri sit pro se habere Glossatorem, quam textum, nec non ex eo, quod post *Alexandr. in l. si convenerit. sub num. 12. ff. de re jud.* scribit *Vivius d. opin. 398. n. 60.* Esse hoc quodammodo ponere os in Cælum, si quis à communi opinione in iudicando & consulendo recedat, etiamsi videatur casus legis in contrarium. (Vt adeo scitè dixerit *Matthæac. lib. 2. de via juris c. ult. num. 30.* Post Justiniani Imperium, supra mille ab hinc annis, cœpit hæc Jurisprudentium opinio regiam sibi arrogare auctoritatem ac potestatem, & Principum seu LLtorum vires in omnibus exercere. Hæc una Imperatoribus ad majora intentis, & occupatis terrarum orbi consulere, jura legesque dare & juris responsa, haud secus ac antiquorum oracula consulentibus ferre & præscribere ausa est. Et Contius *lib. 2. Subsec. lect. 18. in pr.* Pragmatici & forenses homines puridissimos quosque Juris Interpretes diligentius & frequentius legunt, quam

JCtorum aut Imp. autoritates & leges. Quomodo ergò se convinci patientur. Vnde post Baronium scribit Nevizan. *lib. 5. n. 67. vers. casus autem legis.* Si vel maximè ipse casus legis adsit, tamen mirabile est videre hominem eminentis scientiæ, qui sine revolutione librorum respondeat de casu Legis.)

12. Quod si igitur in veritatem communis opinionis inquirere, eamque examinare non licet; sed simpliciter secundum ipsam, non de ipsâ judicandum est; Quomodo de LL. latis loquitur Augustinus, ut est relatum in Jure Canonico. *c. in istis. 3. distinct. 4.* quomodo erroris convinci poterit? aut si maximè convincatur, quomodo eam convinci aut convictam esse, aliis persuadebimus? maximè iis, qui nec rationem audiunt, nec lucem admittunt, sed simpliciter & absolute communes opiniones, ob id ipsum, quod sunt communes, sine delectu, ut inquit Zasius *d. Consil. 4. num. 16.* & clausis oculis, ut inquit Alber. *Gentil. in tract. de Nupt. lib. 4. cap. 4. in fin.* amplectuntur. Qui omnes à communi opinione dissentientes, quantumlibet ipsa rei veritate subnixos, ob id ipsum solum, quod à communi opinione dissentiunt, furere, insanire, errare dicunt; ut idem Zasius in comment. *ad l. 2. §. post hunc maxime autoritatis. verb. ceteris operibus sapientia ff. de O. I.* (Cum & aliàs, quando rationibus & argumentis agitur, pro demonstratione aliquis habet id, quod alteri nec inde sit probatio, ut hæc de re tractans, monet Dn. Bachov. *in not. & animadvers. ad Treutl. lib. 1. Disp. 1. th. 1. lit. B. ad verb. vel per argumenta.*) (Ut non inepte de his illud Galeni *lib. 8. de comp. med. c. 1.* dici possit: Præconceptæ opiniones surdos & cæcos faciunt. Necesse tamen est, ut lancem in libra ponderibus impositis deprimi: sic animum perspicuis cedere. Cic. *4. Acad. Quest. col. 28.* (Hinc pondera argumentorum dicuntur.) Idiotarum enim est, ut facile convinci, ita difficile compeisci. Sidon.)

13. Cæterum, cum quælibet sententia suos habere soleat assertores & propugnatores, fit sæpenuerò, ut ex duabus planè contrariis opinionibus, utraque sit & dicatur communis. (Imo in dissensu utraque communis opinio vim suam perdit: Quia sese mutuò elidunt, cum duæ virtutes paræ potestatis concurrant, ut est apud Pacian. *de Probatione.* Sic Vasq. *lib. 3. Controvers. 61. n. 9.*

Prolegomena.

II

n. 9. § *contrariam, in fin.* ut ineptire videatur mihi, qui hac in re alicujus momenti esse existimat scribentium Authoritates, quia adversis congressibus se impediunt. *l. ubi pugnantia. 188. ff. de R. J.*) quomodo Hieronym. de Cavallos libros aliquot concessit communium opinionum contra communes, nec certò sciri possit, utra sit communior & receptior; adeoque verè & absolute communis: aliis hanc, aliis aliam, communem, communiorē vel communissimam dicentibus: tū regulas quasdam tradunt Doctores, quomodo vel communis opinio æstimanda, vel quænam illarum alteri in judicando respondendoque præferenda sit. Ut videre est apud Anton. Mariam Coratium, *in tract. commun. opin. lib. 1. tit. 4. per tot.* Freher. *in d. c. ult. n. 32.* Nevizan. *d. l. 5. Sylva Nupt. n. 74. & seqq.* Alciatum *d. lib. 4. parerg. c. 17.* Menoch. *d. præsumpt. 71. per tot.* Quæ si non satisfaciant, aut in quæstione proposita applicari possint, ut sunt ipsæ quoque incertæ & controversæ, atque etiam particulares: tū propter conflictum istum opinionum, summamque incertitudinem & ambiguitatem, *in arbitrio judicis esse ajunt, utram velis opinionem sequi & pro quo litigantium judicare:* adeoque si alterutri parti sit amicus & faveat, secundum eum pronunciare posse ac pronunciaturum esse: (Sicut aliàs etiam ubi duo pares sunt immeritò, & ad præmium, locus putatur esse gratificationi. Bald. *ad Consil. Omnem, §. itaque num. 13.*) Ac proinde tales quæstiones dubias, seu casus ambiguos, *Casus pro amico vel amico,* (quidam potius contra amicum pronunciarent, esset que *casus contra amicum.* Est enim nonnunquam pravis hic ambitus: adversus amicos aut pro his, quibus cum similitates gerant, pronunciandi, faciendique, ne injustè fecisse videantur. Quintilian. *lib. 4. c. 1. p. 204.* atque ita injustè agunt, ne videantur injustè agere.) nuncuparunt. Neviz. *d. lib. 5. n. 74.* Menoch. *d. præsumpt. 71. n. 37.* Vivius *d. opin. 398. n. 29 & 30.* & aliis supra allegati: Ut non minus verè quam acerbè dixisse videatur Anton. Faber. *in tractat. de error. Interpret. & pragmat. dec. 37. error. 7. in fin.* Imperitiam Interpretum eò usque progressam esse, ut omnia de quibus dubitant, quantumlibet certa sint, & ex juris ratione indubitata, faciant arbitraria, non arbitraria verò illa sola, in quibus errant.

14. Nec ad rem facit, quod Nevizan. sub d. n. 74. post

B 3

Bal,

Baldum & Socin, dicunt, id intelligendum esse cum grāno salis, de Judice non claudicante, nec dicente, Tu mihi sola places. Nam aut, quod prius dixerant, evertunt, quod tamen evertisse nolunt, aut nihil dicunt. Non enim explicant & nec possunt explicare, quis sit Judex non claudicans, aut quis alterutram ex opinionibus ejusmodi contrariis eligens, ac secundum eam pro amico judicans, non dicat, Tu mihi sola places.

15. Ad normam Juris hæc traditio Dd. quā Glossa & opinio communis, tandemque arbitrium & favor Judicis, pro Jure & Judicandiregula, obtruditur, si revocetur, falsissima esse deprehenditur. Statim in ipsis Institutionibus Juris, *tit. de offic. Jud. in pr.* proditum est: Judicem in primis illud observare debere, Ne aliter judicet, quā legibus aut Constitutionibus, aut moribus proditum est, & in *Novell. 82. c. 13.* edicit Justin. omnem Judicem custodire leges & secundum eas proferre sententiam debere; usque adeo, ut etiamsi ipse Imperator in medio litis, rescriptum aliquod contrarium, aut pragmaticam sanctionem emisserit, non tamen his, sed LL. pareat; omnino enim se velle, ut obtineat id, quod Leges ejus volunt, & in *l. 13. C. de sent. & interloc. omn. jud.* constituit disertè, Non exemplis, sed Legibus esse judicandum: & in *l. 14. pr. C. de judic.* Jurare voluit Judices, omnimodò sese cum veritate & Legum observatione judicium esse disposituros. Sed & notum illud est, Facti quidem quæstionem in arbitrio judicantis esse, Juris autem auctoritatem in ejus arbitrio non esse, *l. 15. in fin. pr. ff. ad Municipal. l. 1. §. 4. ff. ad senat. Turpill.* Cum quibus etiam probè consentit *Ord. Camer. Imperial. part. 1. tit. 13. in pr. & §. 1.* Cujus loci summam hoc aphorismo complexus est Petrus Denaisius in *Jure Cameral. tit. 16. Assessorum munus* Non ex proprio nudoque arbitrio, sive conscientia, sed Legibus Constitutionibusque publicis & probatis consuetudinibus jus dicunt: idque æqualiter inter omnes, sine adfectu (ohn einige sondere Aff. ction. quibus verbis manifestè excluditur favor erga amicum,) vel sordibus dispertuntur.

16. Non minus etiam ab ipsa Naturali ratione aberrat hæc Dd. traditio Nam, præclare inquit Cicero in *lib. 2. de Offic.* Jus, nisi sit æquabile, non est Jus: & ob hanc ipsam æquabilitatem conservandam, Leges sunt inventæ, quæ cum omnibus semper unā atque eādem voce loquerentur. (Hæc etiam causa fuit, cur Prætorum Edicta pro-

poni cœperint. De quo sic Dio, *lib. 36. pag. 20.* Prætores omnes ea jura, secundum quæ Ius ipsi dicturi essent, albo inscripta proponebant. Nec enim jura & LL. omnes ad Contractus pertinentes, exprimebant: nec uno id eodemque tempore faciebant, nec abs se scripta servabant: sed albi scripturam mutabant sæpius, & in hac re multa, *censu facile creditu*, ad gratiam vel odium quorundam fiebant. Igitur rogationem tulit, ut & statim in principio Prætores prædicerent, quo jure essent usuri, & deinde nequaquam ab eo deflecterent.) At si ad communes opiniones remittamus Judicem; si eidem permittamus affectioni indulgere, & secundum amicum ob nullam aliam causam, quam quia amicus, sententiam dicere, æquabilitas erit nulla. Nam & ipsæ communes opiniones quasi quotidie variant, ut mox communis opinio fiat, quæ ante non fuit, aut communis esse desinat, quæ fuit communis. In dubiis autem istis Quæstionibus, ubi, quæ reverà communis sit, nescitur, quos casus pro amico dicunt; Judex mox in affirmantem, mox in negantem partem inclinabit, prout hanc aut illam pro amico esse videbit. Id quod etiam locus citatus Ordinat. Cam. Imperial. insinuat; Quod sc. & æquabile Jus esse oporteat adversus omnes: & æquabilitati illi tuendæ nihil magis, quam affectus erga hunc aut illum litigantem obstet. Hoc scriptiois genere (si quæstio *dubia* dicatur) nihil est perniciosius; cum ista ratione capient occasionem, & eò audacius progrediantur, ut Jus ad factum inflectant, ac depravent, & de jure jam affirmativè, jam negativè respondeant, ut fecit ipse Menoch. Cothmann. *consil. 5: . num. 168.*

17. Deinde absurdum est, in privati cujusquam potestate esse, jura condere & abrogare pro lubitu. Atqui, si eam vim & auctoritatem tribuimus Glossis & opinionibus. Dd. quam diximus, imò unicuique horum, & vel maximè ignavissimo atque inertissimo. (Pone enim inter duas contrarias sententias, Primam uno auctore receptionem esse, accedat ad alteram ignavissimus & stupidissimus aliquis, jam casum pro amico facit: accedat rursus alius, qui itidem tantum numerum, non pondus addat, (ut Therfitæ) jam contraria sententia Jus erit;) simul potestatem illis largimur jura condendi & abrogandi. Statim enim ex Fulgosi Sententiâ, Glossa, aut Interpretis alicujus celebrioris opinio valebit contra ac supra Legem; & sic Jus vetus abrogabit, novumque constituet. Aut certè, si non contra, sed præter legem

gem

gem sit, saltem Ius faciet, quod ante non fuit. Quomodo dicunt in casu, qui nullā certā legē definitus sit, etiam unius Doctōris decisio- nem in terminis, quamvis sine Lege loquatur, si contradictōrem non habeat, pro Lege allegari posse, & in iudicando sequendam esse. Ut videre est apud Grevæum, multis authoritatibus id probantem in *proæm. pract. conclus. n. 116. & seqq.* vid. Hilliger. *lib. 26. c. 2. lit. A. p. 1399.* Rursus existat aliquis, qui ei decisio- ni contradicat, jam ex ne- cessario probabile, ex certo controversum, adeoque ex Jure non Jus fecerit. Sequatur hunc alter aut tertius, jam contrarium Jus condide- rint. Idemque etiam est, ubi in communem opinionem res invaluit, Si- ve enim unius, si ve duorum, trium aut quatuor Dd. ad priorem nu- merum accessio, & excessus, pro diverso auctorum dissentientium numero, ut putat Coratius *l. 1. de Commun. opinion. tit. 4. inspect. 1.* Opinione eam, quæ antea communis non fuit, communem, adeo- que Ius esse facit; Quid aliud quam ædilitatem gerunt, sine populi suffragio, ut est in Proverbio, h. e. LL. condendarum abrogandarum- que potestate utuntur, quæ ipsis concessa mandataque non est? (Et quid esset facilius, quàm volenti rem aliquam contra Ius & fas obtine- re, maximè Principi, conducere aliquos, qui tractatum aliquem in lu- cem emittentes, sententiam eam, quam ipse velit, asseverarent, adeo- que communem facerent? Id in suppositione *l. Titia, cum testamento 34. §. L. Titius. 1. de Legat. 2.* factum esse putat Alciatus *lib. 6. parerg. c. 9.* Sic Theff. *decif. 190. n. 4.* Albertum Galeottum ait, dixisse, *illo tempo- re*, aliud esse tenendum: cum olim contrarium consuluisse: & *ite- rum decif. 134. num. 15.* post Joseph. Ludov. *decif. 52. num. 13.* scribit: Consulentes sæpenu- merò, præmii aviditate, verioribus aliquando opinionibus omissis, falsas opiniones ex illorum numero communes efficiunt.)

18. Tùm Jus, quoad ejus fieri potest, certum atque finitum es- se oportet: at hæc Dd. traditio, quæ simpliciter numerari suffragia ju- bet, & ex majore minoreve numero veritatem justitiamque æstimare, jus omninò incertum infinitumque reddit. Est enim utique sæpè la- boriosissimum & difficillimum, quandoque etiam impossibile, scire, quænam ex diversis contrariisque opinionibus, plures habeat asserto- res, & pro communi atque receptiore habenda sit. Unde sæpè ma- xima librorum atque auctorum innumerorum revolutione opus esse di-

dicunt, ut sciatur, quænam sit communis aut communior opinio. Clarus *in recept. Sentent. in §. Donatio. quest. 6. n. 7.* & post eum Thadeus Pifo *lib. 4. variar. resolut. cap. 4. n. 6.* Corat. *d. tit. 4. n. 9. & 12.* Freher. *d. lib. 2. de fama c. 18. n. 49 & 50.* (Sic Octavius Cacheranus Ozasius, *consil. 35.* negativa est crebrior, quia pro eâ numerantur 36. & pro affirm. tantum 25. autoritates.) Et licet facile inveniatur, qui dicant, hanc aut illam opinionem esse communem; maximè inter tot compilatores communionum opinionum, sive receptarum sententiarum, qui hodiè extant; tamen iis tutò fidere non possumus: cum non tantum ea res ex illorum numero sit, quæ non sub sensum aliquem corporis cadunt, sed ratione & iudicio percipienda sunt: ideoque hanc aut illam opinionem communem esse, attestanti, non credendum sit; non magis, quàm attestanti, hanc vel illam esse consuetudinem: sed talis assertio legitima probanda sit, ut quamplurimis autoritatibus confirmat Cothmannus, *vol. 1. resp. 13. num. 69.* sed etiam accidat sæpissimè, ut nobis sententiam aliquam pro veriore & crebriore opinione illi exponant & obtrudant, quæ tamen auctoribus istis, quos in ejus rei comprobationem citant, vel in mentem nunquam venerit, vel ab iis omninò improbata sit: ut testatur idem Cothmann. *d. resp. 13. n. 47. & 54.* Quomodo & Cujac. *consultat. 23.* asseverat, vix unquam accidisse, quin quæ illi (Advocati fori) scriptis Dd. prodita affirmabant, ipse in medium prolatis eorum libris, præsentibus convicerit, aut non esse, aut aliter esse prodita. Et de Michaelis Grassi quadam allegatione Communis Opinionis, inquit Joh. Eichardus, *vol. 1. consil. 15. n. 13.* tam inaniter & falsò allegat, ut dejerare persanctè ausim, cum nullum istorum locorum, quos adducit, inspexisse. (Et Theaur. *decis. 96. n. 4.* nostrorum temporum deplorandam miseriam considerabis, & quam parum credendum sit illis Dd. qui audacter contrariam sententiam magis communem dixerunt.) Fit autem etiam nimis quàm frequenter, ut quæ olim, vel paulò ante fuit communis opinio, hodiè non sit; & quæ hodie est, paulò post desinat esse: Unde non rarò legimus, hanc vel illam opinionem olim fuisse communem, vel tempore hujus aut illius, fuisse communem; æst hodie contrariam sententiam esse communem. Clar. *in §. testamentum quest. 77. num. 2. vers. Contrariam & quest. 46. princ.* Colerus *de Process. exec. c. 1. part. 3. num. 36.* Grassus *in recept. sent. §. Codicillus. num. 24. vers. Contrariam.* Budelius *de re nummar. lib. 2. c. 24.*

num. 16. Corat. in *prafat. tractat. comman. opin. num. 36. & seq.* Freher. *d. lib. 2. de Fama. c. ult. num. 36. & seq.* Grevæus in *proæm. practico-concluf. num. 55. & lib. 2. conclus. 136. consider. 1. num. 45.* Unde inter alia quaeritur apud Dd. quid faciendum Judici sit, si fortè tempore litis contestatæ affirmativa opinio fuerit communis: at sententiæ sive rei judicatæ tempore, contraria opinio communis inveniatur, quæ cum in judicando sequenda sit? Corat. *d. tract. lib. 2. t. 9. casu 31.* Freher. *d. c. ult. num. 38.* (Atqui si semel aliqua opinio est communis, contra eam non potest alia communis invalescere: quia sententia contra communem opinionem lata, est ipso jure nulla: At quæ postea in contrarium fiunt, sunt sententiæ & decisiones contra communem opinionem latæ. E.)

19. Plura argumenta adversus Communium opinionum auctoritatem necessariam, quam Dd. ei attribuunt, qui desiderat, videre potest Zasium, in *Comm. ad l. 2. §. post hunc maxima auctoritatis, verb. innovare instituit. ff. de O. l. & lib. 2. singular. respons. c. 1. & vol. 1, consil. 4. n. 16. & seqq.* præcipuè verò Dd. Henric. Nebelkræ. *lib. 2. decis. 1. per tot.* (Quibus adhuc addatur illud, parum, aut nihil ad defensionem istius traditionis facere comparisonem eam, quæ à majore numero suffragiorum in consiliis publicis desumitur, ut supra ex Alciat. *l. 4. parerg. c. 17.* allegavimus. Quod si enim opinionem aliquam, majore opinantium numero subnixam, sententiæ & rei judicatæ comparant, fieri non potest, non debet certè, ut ab eo jure, quasi adhuc in fieri esset, & nondum in esse pervenisset, dissentire cuivis, contrariumque jus gignere liceret, sed quæ contra fiunt aut statuuntur, pro injustis habenda essent. Quod si vero id nondum pro Sententia & re judicatâ, sed tantum pro votis atque suffragiis habent, ad quæ sententia aliquando sequi debeat, nondum etiam dici potest, quod sit communis opinio, sive recepta sententia: sed expectandum est, donec reliqui quoque, qui deinceps sententiam dicturi sunt, fuerint auditi. Et definiendum etiam esset, quot & quousque aliorum sententiæ essent expectandæ: Quando Opinio communis pro nata & constituta habenda esset. Uade apparet, rem totam esse perplexam & quasi inexplicabilem.)

20. Ubi tamen semper observandum est, loqui nos hic tantum de Opinionibus Dd. h. e. de Jure inter Dd. controverso, quod ex so-

Io majore opinantium sive assentientium numero, pro recepta sententia, adeoque pro jure obtruditur: non autem de consentiente receptaque Interpretatione Jurisprudentium; quæ certa pars Juris non scripti est; & proprio vocabulo Jus Civile appellatur. *l. 2. §. 5. 12. 39. & 41. ff. de O. l. & Jus consensu receptum, in pr. 1. de acquisit. per arrogat.* quod Theophilus ibidem interpretatur, νομοθεσίαν πολιτικὴν, & ἀγροφὸν συναινέσιν τῶν σοφῶν: hoc est, Jus Civile & consensu Jurisprudentium non scriptum, sive Jus, quod sine scripto ex approbatione prudentum receptum est, quomodo etiam in *tit. 1. de Off. Iud. in pr.* vocabulum, *moribus*, interpretatur, τῶν σοφῶν νομοθεσία, h. e. eo Jure, quod à sapientibus receptum est: speciem ponens pro genere. (Vide hûc locum elegantem Quintil. *l. 1. Inst. c. 6. in fin.* Quod consuetudo sermonis sit Consensus (non simpliciter plurium sed) doctorum: sicut consuetudo vivendi, consensus bonorum.)

21. Hanc Juris speciem, si quis per vocabul. Communis Opinionis intelligat, rectè dixerit Judicem in judicando, & JCtum in respondendo, communem opinionem sequi debere; Ubi communis opinio non veritati; nec minori dissentientium numero, sed propriæ opinioni, præsumptæque æquitati Judicantis opponitur: Quam & ipsa Ordinatio Cam. Imperial. damnat, ut ex loco supra citato manifestum est. Verùm is non est vulgaris & usitatus ejus appellationis usus: sed iste potius, ut significet sententiam super contro- verso Juris articulo à pluribus Dd. asseveratam aut receptam. De qua communi opinione intelligenda sunt ea, quæ superius contra disputavimus.

22. Atque ex hoc fonte sive principio, de *Casibus pro amico* dictis, statuendum est: quod, qui non fecerunt, potius ad alia omnia delapsi sunt, quàm ut Judicem in ejusmodi Quæstionibus seu casibus dubiis ad Juris præscriptum hortarentur: ut videre est apud Corat, *d. lib. 2. Comm. opinion. tit. 9. cas. 32. numer. 174. & seqq.* Menoch. *d. lib. 2. de arbitr. cas. 339. num. 22. & seqq.* & *d. remed. 3. reu- tin. poss. numer. 467. & seqq.* Anton. Thesaur. (Quem reprehendit Bachov. *in not. ad Treutl. lib. 1. disput. 1. & vult omnino, esse Casus aliquos pro Amico.* Sed & Lipsius *in monit. & exempl. Polit. lib. 2. c. 10. pag. 143.* pro iisdem facit, cum inquit: D3, quod alibi malè (scil. Judex judicet) quid magni mali est? Primum *in re oba- cura*, & in qua haud valdè interfit, Titius an Sejus vincat. Deinde

in re parvâ ; in agello, in prædiolo, in pecuniolâ : habeat, cui Judex donat.) in *decif. Pedemontanis decif. 89. per tot. præcipuè. num. 3. & decif. 206. num. 11. & 13.* ubi licet dicat; Casus pro amico potius nominandos esse *Casus pro diabolo* : Quod causam præbent, ut ad inferos quis detrudatur : tamen Judicem ad Regulam à Justiniano præscriptam, ut non aliter judicet, quàm Legibus aut Constitutionibus, aut moribus proditum est, non remittit; sed potius vult, ut Jvdex aut dicat, sibi non liquere; quo tamen modo res non judicatur, vel lis solvitur, sed indecisa manet, aut litigantes hortetur ad concordiam & transigere jubeat ; quod tamen suadere tantum potest Judex, non cogere. Cujac. *lib. 2. Obs. 16. in fin. Parthen. litig. lib. 2. c. 4. num. 21. Langl. lib. 5. semestr. cap. 4.* (aut forte dirimat. Quæstiones enim Juris, forte dirimi possunt; non facti. ait Bartol. in *l. si duo 3. ff. uti poss. vid. Alber. Gentil. ad Rubr. C. de malefic & Mathematic.*) aut rem per medium dividat : sic Bartol. in *d. l. si duo 3. ff. uti possit.* quod tamen arbitri potius est, quàm Judicis : *arg. l. 79. §. 1. ff. de judic. & regulariter rusticorum dicitur esse Judicium. in gl. fin. ad L. Nefennius. 34. ff. de N. G. de quo pluribus tractat Jan. Langlæus d. libbr. 5. semestr. c. 4. vel certè ad Legislatorem pertinet generale Jus, quod in futurum valeat, constitutum : non ad Judicem de jure Litigantium & certâ facti specie propositâ, sententiam dicturum.*

23. Longe prudentius & religiosius Judicem atque JCtum, quomodo ille in judicando, hic in respondendo, circa ejusmodi dubias atque controversas Dd. opiniones sese gerere debeat, instruit Nicolaus Vigelius JCtus gravissimus, tum in ratione legendi Juris controversi, quam methodo Juris controversi præmisit, tum in libello Germanico, cui titulum fecit *Richterbüchlein* / in quibus, ut & aliis libris suis, quos quilibet veræ germanæque Jurisprudentiæ Studiosus sibi quàm commendatissimos habere debet, ex ipsis fontibus Juris nostri, quod per se religiosissimum prudentissimumque est, artem judicandi sive judicariam docet: perpetuò memor illorum præceptorum Juris: quod Judex non aliter judicare debeat, quàm LL. Constitutionibus, aut moribus proditum est; quodque facti quidem Quæstio, at non etiam Juris autoritas in arbitrio judicantis sit.

24. Inprimis autem distinguit, inter Causam Ordinariam, quæ ex speciali aliqua Lege, de cujus interpretatione controversa est, de:

dependet : & causam extraordinariam, quæ nullâ speciali Lege definita, judicantis arbitrio relinquitur.

25. De ordinariis hanc proponit regulam : quod regulariter contra eum, qui se in istiusmodi jure controverso fundat, sive agendo sive excipiendo, sive replicando, sive duplicando id fiat, respondendum ac judicandum sit ; subiectis tamen Exceptionibus aliquot, quarum hæ sunt præcipuæ : (1) Nisi is, qui se in Jure controverso fundat, præsumptionem iuris pro se habeat : præsumptionem, inquam, non dubiam, & quam nulla lex specialis elidat ; (2) Nisi quis speciali lege eaque haud obscurâ, suam intentionem, puta actionem, exceptionem, replicationem, aut duplicationem probaverit : cum contraria opinio non æquè speciali Lege niteretur ; (3) Nisi evidens, & quæ sine manifestâ contrariæ sententiæ calumniâ, dubitationem nullam admittat, æquitas sit pro eo, qui intentionem suam in Jure controverso fundat.

26. De extraordinariis verò causis, quas ipsæ Leges arbitrio Judicis permittunt, Regulam tradit hanc : quod in iis Judex causâ cognitâ, pro qualitate negotii Juris controversi, nunc Affirmativam, nunc Negativam partem, prout ei æquius vel verisimilius videbitur, sequi possit : ita tamen, ut nec modum arbitrii, quem ei Lex præscribit, excedat, nec ex causâ aliquâ, quæ legibus non reperitur, approbata, actionem, exceptionem, replicationem, aut duplicationem concedat ; nec affectibus indulgeat, sed bonam fidem & Juris normam ubique sequatur. Quæ omnia dictis locis & uberius declarantur, & Legibus confirmantur, & exemplis illustrantur ; ac ut lectu & observatu dignissima, summeque necessaria, diligenter legi, memorique mente perpetuò teneri debent.

27. Hæc igitur in genere de Casibus pro Amico, & quæ iisdem originem præbuerunt, Glossis atque Communibus Opinionibus Dd. præfati, ad ipsas species sive Exempla *Casuum pro amico* nunc accedimus.

QUÆSTIONUM SEU CASUUM PRO AMICO

SPECIES PRIMA.

*An in legitimâ successione Ascendentium, cum
parentes Paterni & materni, pares gradu, concurrunt, distinctio bo-
norum facienda sit : ut paterna solâ paternis, & materna solâ
maternis Parentibus deferantur, sive ad eos
revertantur?*

I.



Primum exemplum Casuum pro amico desumamus
ex regulâ illâ vulgatâ, quæ in successione ab in-
testato usurpari solet : PATERNA PATERNIS,
MATERNA MATERNIS : sive ut est in versum
redacta, MATERNIS CEDANT MATERNA,
PATERNA PATERNIS. *Quod Jus reversionis*
vocat Guilielmus Ranchinus in *tractat. success. ab intest.* §. 14. num. 8.
(qui libellus editus est etiam sub nomine Joh. Winei jCti, titulo tan-
tùm & præfationibus mutatis, in ipso vero tractatu retentis iisdem
omnino verbis, & formis, imò & chartis iisdem; ut ne illud quidem sit
mutatum, quod Stephanus Ranchinus Authôris Pater dicitur.)
Hæc autem regula, licet non tantùm in Ascendentium, sed etiam
in Descendentium & Collateralium, successione adhiberi consue-
verit: præcipuè tamen circa ascendentes de eâ controversitur. Eo-
que solo in casu vocatur quæstio dubiissima in Jure, à Baldo no-
vello, in *tract. de dote part. 12. quæst. 14. num. 55.* & passus valdè
ambiguus, & quæstio in Practicâ pro amico, à Jafone in *l. Post.
dotem. 41. (al. 40) num. 105. ff. solut. matrim.* & casus mirabilis, à
Paul. Castrensi, in *l. quod scitis. 3. §. sin autem num. 3. C. de bon. qua-
lib. & gravis atq; à multis annis controversa quæstio, à Myslingero
cent. 6. obs. 55. & dubium singulare atque subtile ab Anton. Come-
zio in *Commentar. ad L. sextam Tauri, sive Taurinam, n. 7. & ardua*
quæ-*

quæstio, à Grassio in §. *successio ab intestato quæst.* 22. num. 5. in eaque esse communem opinionem contra communem, notat non tantum Cævallos in *speculo communium Opinionum contra Communes.* tom. 1. quæst. 102. sed etiam citatis auctoribus longè pluribus, aliis affirmativam, aliis negativam sententiam communem, aut communiorē affirmantibus, docent Tiraquellus, de *retractu gentilitio*, Gloss. 2. §. 14. num. 12. & 13. Covarruvias in *tratt. de success. ab intestat.* num. 2. ubi etiam quæstionem hanc egregiam nominat, Vasquius, in *tractatu de successione* tom. 3. qui est de *successionum resolutione* lib. 2. §. 13. num. 11. Gabrielius lib. 4. sub. tit. de *success. ab intestat.* conclus. 3. Vivius lib. 2. *commun. opin.* num. 218. vel *ut est hodiè*, in *ejus Sylva commun. opin.* lib. 2. opin. 598. Thesaur. in *decis.* Pedemont. decis. 27. per totam. & Gomez. in *d. l. 6. Tauri.* n. 7. & 8. & Grassus in §. *successio ab intestato quæst.* 22. n. 5. Berlich. *part.* 3. *Conclus.* 20. n. 14. & 15.

2. Potest autem Casus contingere pluribus modis; veluti in Parentibus primi gradus, Patre & Matre; si his superstitibus, moriatur filius intestatus, cui *vivo* quædam donaverat Mater, Avunculus aut Matertera; quædam Pater, Patruus aut Amicus: quo casu ad Patrem pertinere volunt res, quæ vel ab ipso, vel aliis ex lineâ paternâ, sive agnatis ad filium pervenerunt, maternâ autem vel materni generis bona, ad matrem revocari: ea verò demum, quæ aliundè, quàm ab agnatis aut cognatis defuncti obvenerunt, ex quibus portionibus dividi inter Patrem & Matrem.

3. Item in Parentibus secundi gradus, avo aut aviâ, Paterno vel Paternâ, & avo aut aviâ, materno vel maternâ, si forsân nepote post Patrem matremque mortuo intestato, concurrant avus paternus & avia materna: quo casu ad avum reverti volunt, non tantum quæ ab ipso, sed etiam quæ Patre, aliisque lineâ paternâ personis ad nepotem pervenerunt: ad aviâ autem ea, quæ vel ab ipso donata fuerunt defuncto, vel ab aliis, qui ex ipsius latere sunt, personis ad eum pervenerunt. Et sic de cæteris casibus similibus. [Ranchin. d. §. 14. n. 8. Castren. in *d. l. quod scit. §. fin. autem.* n. 9. Thesaur. d. *dec.* 27. n. 1. & 2.

4. Ex qua generali doctrinâ deciditur casus specialior: Si filia, cui Pater dotem dederit, & pro eâ stipulatus sit, decesserit, relicta

Patre, Matre & fratribus atque sororibus, quod tùm solus Pater in dote succedat, ut illi loquuntur, sive ad solum Patrem dos revertatur, non etiam ad matrem, aut fratres & sorores. Quomodò super facto consultus, respondit Bartol. in *Consil.* 18. num. 4. & *consil.* 215. num. 4. (Est enim ex errore duplicatum, ut Jason monet.) Eandemque decisionem repetit in *lecturâ ad d. l. post dorem.* 41. (al. 40) ff. *solut. matrimon.* num. 36. sive ult. quem secutus est Ludov. Ro. *manus in Consil.* 40. & utrumque refert ac sequitur Jason. in *ead. l.* n. 105. & alii alibi.

5. Auctor hujus sententiæ est is, quem modo diximus, Bartolus, qui eam proposuit, tùm in locis duobus modò citatis: tùm in *Authent. Itaque num. 2. C. Commun. de success.* & in *d. l. quod scitis* 3. §. *sin autem in pr. C. de bon. qua libb.* qui & ibidem se primum hujus sententiæ Authorem esse, non dissimulat: dùm profitetur, se istum casum non scire extare alibi, nec in textu, nec in Glossa nec per aliquos Dd. & testatur Forsterus in *tract. de success. ab intest.* lib. 7. c. 4. conclus. 4. num. 6. solius Bartoli auctoritate conclusionem eam niti, qui primus eam, (æquitate quadam, ut ipse putaverit, motus) effinxerit atque excogitaverit. Quomodò & alii communiter omnes non ad alium, quàm ad Bartolum originem hujus sententiæ referunt, & passim Bartoli doctrinam, Bartoli decisionem, Bartoli sententiam, Bartoli opinionem appellant: & omnes antiquos ante Bartolum in contrariâ sententiâ fuisse ajunt: ut notat etiam Thesaur. *d. decis.* 27. num. 2. §. *Contrarium* & ante eum Forsterus *d. loc. num. 12.* [Licet enim Baldus novellus, in loco *suprà citato sub. num. 52.* etiam auctoritatem Glossæ primæ & secundæ, itemque auctoritatem Cyni pro hac sententiâ adducat: tamen id non ad ipsam hanc doctrinam primariò pertinet; sed ad lectionem & interpretationem. *d. l. 3. C. de bon. qua libb.* ex quâ doctrina illa deducitur.]

6. Bartolum deinceps secuti sunt plurimi magnæ autoritatis & nominis viri: ut si auctoritatibus certandum sit, ejus sententia superior, aut certè par sit futura: quod & fatentur illi, qui eam improbant: Forster. *d. cap. 4. num. 6. & 21. atque 22.* Mynsing. *d. Obs.* 55. num. 2. Covarruv. *d. tract. de success. ab intestat.* num. 2. Ranchinus *d. §. 14. n. 10. Valsqv. d. lib. 3. §. 13. n. 11.*

7. Fun-

7. Fundamenrum hujus sententiæ Bartolus ponit unicè in textu *l. quod scitis vers 3. fin autem C. de bon. que libb.* Cujus verba sunt hæc : Sin autem idem Nepos superstitibus tam Patre quàm avo paterno, diem suum sine liberis obierit, eorum dominium, quæ ad ipsum ex Matre, vel ab eius lineâ pervenerint, non ad avum, sed ad Patrem ejus perveniat, usufructu videlicet, in hujusmodi casibus avo, (dùm supererit,) reservando. Quem textum ut planè singularem, nec alibi extantem, laudat Bartolus in *lecturis ad d. l. Quod scitis 3. & ad d. Autb. Itaque C. Commun. d. success.* & *ad d. l. Post dotem ff. solut. matrim.* Undè textum illum capitalem vocat Anton. Gomez, in *Comment. ad LL. Taurinas l. 6. num. 8. vers. Nec obstat.* Sicut autem Bartolus neque textum, neque glossam, neque Doctoris alicujus dictum, ullo alio in loco in hanc sententiam extare proficitur : ita neque rationem aliquam aut argumentum pro eadem confirmandâ adducit. Undè consequitur, fundamento hoc everso, everfam esse Bartoli opinionem super eo ædificatam.

8. At, qui Bartolum secuti sunt, etiam aliis quibusdam argumentis suffulcire sunt conati : maxime cum viderent, eam à Raynero de Forolivio, Baldo, Saliceto, Raphaele, Corneo, *Consil. 7. lib. 3.* Fulgofio, Raphaele Cumano, Decio, aliisque pariter magni nominis atque authoritatis Dd. improbari. [Et ad Bartoli quidem sententiam subruendam totus fuit Decius, qui multis in locis adversus eam consuluit ; adductis rationibus & authoritatibus, quæ pro eo pugnant, ut *Consil. 94. num. 9. 10. 11. 12. & Consil. 186. num. 2. in 1. volum. & Consil. 7. in 3. volum. Ranchin. d. §. 14. n. 10. p. 210.*]

9. Adducunt igitur præterea argumentum hoc : quod etiam in successione collateralis, concurrentibus fratribus consanguineis cum uterinis, illi in paternis, hi verò in maternis bonis præferantur ; Id quod constitutum ajunt, per *l. de emancipatis. 13. §. ult. vers. exceptis C. de legitim. hered.* Undè, tanquam argumento à pari, vel etiam à minore ad majus, inferunt. Si in successione transversalium distinctio ejusmodi bonorum facienda est ; faciendam etiam esse in successione ascendentium : & quidem tantò magis, cum ascendentium successio dignior sit successione transversalium,

D

cam-

eamque sæpè excludat. Jafon in *d. l. post docem. n. 106.* Thesaur. *d. decis. 27. num. 3. §. Et quamvis versic. & in simili.* & qui hanc sententiam improbant, Forsterus *d. l. 7. cap. 4. num. 7.* & Anton. Gomez. *ad d. l. 6. Tauri. num. 7.* Adducit quidem etiam ipse Bartolus hanc doctrinam de transversalium successione; in *d. auth. Itaque.* sed non ut in argumentum sive confirmationem differentię ejus, de quā disputamus: non argumentando, inquam, sed exponendo sive indicando.

10. Utuntur etiam argumento ex *l. cum aliu. 4. C. de secund. Nupt.* deprompto, ubi & in descendentium successione simile quid constitutum est: nimirum, ut matre ex duobus matrimoniis liberos habente, & mortuā, liberi, qui ex secundo matrimonio suscepti sunt, sponsalitiā largitatem, quam vir secundus in uxorem contulit, in solidum habeant; ex priore verò matrimonio suscepti liberi, nihil inde utilitatis habeant; & vicissim, h. e. ut ex quolibet conjugio liberi sponsalitiā largitatem, à suo Patre in matrem collatam, sibi vindicent; & in eā consequendā, alios liberos ex alio patre natos, excludant. Unde iterum quasi ex pari aut simili inferunt; Etiam in Parentum successione, paterna bona ad paternos, materna verò ad maternos parentes reverti debere. Ludovic. Romanus. *Consil. 40 & ex eo Forster. d. loc. n. 8. & Gomez. ad d. l. 6. Tauri. n. 7. vers. Secundò facit etiam.*

11. Sed & æquitate naturali hanc sententiam præpollere existimant: moti argumento ex *l. cum oportet. 6. C. de bon. qua libb.* & inprimis ex *§. igitur liberi 1. l. per quas pers. cuique acq.* Ubi Justinianus Jus illud vetus, quo, quicquid filius acquirebat, Patri acquirebatur, mutaturus, sancivit, ut proprietas earum rerum, quas liberi aliunde, quàm ex re Patris acquirerent, ad liberos pertineret, eorum verò bonorum, quæ ex re Patris acquirerent, proprietas Patri cederet; hoc addito elogio: Quæ enim invidia est, quod ex Patris occasione profectum est, hoc ad eum reverti Thesaur. *d. decis. 27. num. 3. ibi, Pro quā opinione facit æquitas ratio illa, à Justiniano considerata &c.* Schneidew. in *Instit. tit. de hered. qua ab intest. defer. sub secundo ordine succedendi num. 12.* Forster. *d. c. 4. num. 9.* Borcholt. *de grad. pag. 219.* Gomez. *d. num. 7. vers. Quartò facit sextus.* Fachin. *lib. 6. contrav. 4. §. fundamentum.* Undè &

& hanc sententiam tanquam æquiores, mitiores & rationi consentaneam, commendant alterique præferunt, ut videre est apud Thesaur. & Schaeidevv. *dd. loc.* Et proficitur etiam Forsterus, Bartolum æquitare quadam, ut ipse putaverit, hanc opinionem effinxisse & excogitasse, ut *supr. dict.*

12. Denique, sequaces Bartoli, movit ipsa Bartoli auctoritas; Et posteriores etiam, sequacium multitudo, h. e. opinionis communis autoritas. Forster. *d. loc. num. 10. & 11.* Unde Jason. *in d. l. post. doctem, num. 107.* quamvis confessus esset, Raphaeli Cumano semper eam opinionem, quæ est contra Bartolum, fuisse visam verissimam & indubitam; & seipsum vidisse tempore Juventutis suæ, fuisse consultum *contra eandem sententiam*, perplectosque solennes Dd. studii Ticinensis: quamvis etiam nullam omnino rationem pro confirmatione sententiæ Bartolinæ adducat, præter responsum quandam ad argumentum adversariorum, de correctione *d. l. 3.* nihil tamen minus, cum quid tenendum sit, quærit; respondet: Ego teneo opinionem Bartoli, secundum quam consulerem & judicarem. Et Baldus novellus *in d. tr. de dot. part. 12. quest. 14. sub num. 52. §. Item quia.* inquit: Et hæc opinio (quæ scilicet contra Bartolum est) posset realiter, & sine difficultate aliqua teneri in viâ disputationis, & in puncto Juris: licet in viâ consulendi & judicandi non auderem recedere ab opinione Bartoli. Quod & ipse Jason annotavit, *in loco citato, sub num. 105.* & Thesaur. *in d. decis. 27* quamvis fundamentum Bartoli à Corneo & Covarruvia eversum esse, *num. 2.* agnovisset, nec deinceps quicquam, præter leviculas quasdam conjecturas adducat, tamen *num. 3.* inquit: Semper mihi placuit Bartoli distinctio, quæ gravissimorum Interpretum & Consulentium autoritate non destituitur. Et Francisc. Vivius *lib. 2. Commun. opin. num. 218.* sive, ut est hodie, in *sylvâ commun. opin. 2. opin. 598.* etsi nihil præter autoritatem Bartoli, & numerum sequacium, adeoque communem opinionem adduxisset, fidenter tamen concludit adversus dissentientes, his verbis: Verum, quicquid isti Dd. suadeant, fatuum foret in actu practico recedere ab opinione præmissa Bartoli & sequacium: quæ vera, rationabilis & æqua apparet, ex *supra relatis.*

13. [Duo alia argumenta, quæ adducit Gomez, *in loc. supr. cit.*

cit. vers. Tertio facit. & vers. Quinto facit. Quorum illud quidem desumptum ex l. si is qui ex bonis 6. ff. de Vulg. & Pupill. substit. hoc verò ex l. sed si plures. 10. §. in arrogato. 6. d. 1. consultò præterimus, quod nimis longè petita frivolaque sint : quæ multò faciliùs refutantur, quam in argumentum aliquid tolerabile conformantur.]

14. Videamus nunc, quàm præclarè sese fundamenta & argumenta sententiæ Bartolinæ habeant.

15. Et primum quidem, quod ad ipsius Bartoli fundamentum, sive textum capitalem. in l. Quod scitis. 3. v. Sin autem. C. d. bon. qua lib. attinet : non modò satisfactum est eidem abundè à Forstero d. c. 4. num. 10. Ranchino, d. §. 14. num. 9. Fachin. lib. 6. controu. iur. c. 4. §. Hic nullam. vers. Nam quod habetur & Covarruviam, sub d. num. 2. §. verum enim verò. Gomezio, ad d. l. 6. Tauri num. 8. vers. nec obstat. Sed etiam ipse verborum tenor suprà à nobis recitatus, talis est, ut eum à sensu Bartolino longè abesse intelligant omnes, quibus aliquid est cordis, & cerebrum in capite, quod idem Ranchinus dixit, sub fin. num. 8. Neque enim loquitur de concursu avi paterni, & avi materni, sive, non loquitur, de casu, quo nepos aliquis sit mortuus, relictis parentibus diversarum linearum, & ejusdem gradus, videlicet avo ex linea paterna, & avo alio ex linea materna. ut per principii petitionem tanquam certum præsupponit Bartolus : sed loquitur disertè de concursu Patris & avi Paterni : si filius & respectivè nepos mortuus, relicto Patre suo, & avo Paterno : adeoque parentibus iisdem linearum, & diversi gradus : quod & vox *paterno*, expressè adjecta, evidenter docet : & evincunt : tum verba *Idem nepos* : dictum enim fuit in fine principii legis de nepote, qui jure peculii videbatur lucrum dotis adventitiæ, à matre ad se devolutum acquirere. Atqui id de avo materno accipi nequit, sed tantum de Paterno : Ejus enim est, habere potestatem in nepotem & ei per nepotem jure peculii acquiri : tum *versic. ult. ejus leg.* quo ususfructus honorum illorum nepotis, avo deferretur : quem non materno, sed paterno deferri constat. [Et omnino legis ejus totius, tria sunt enunciata : I. Ut nec filia lucrum donationis propter nuptias, nec filius lucrum dotis Patri acquirat. II. Ut filia mortua, relictis liberis, lucrum ejusmodi ad hosce liberos,

ros, qui patris ejus, de quo propositum est, nepotes sunt, pertineat excluso tum patre suo, h. e. filix ejus marito, tum avo suo, h. e. filix ejus Patre, (Idem, si mortuus sit filius, relictis liberis, quamvis hic non appareat dubitandi ratio, quomodo matri videatur acquirere, nec de Matre quicquam dicatur.) III. Ut his liberis postea morientibus, ad eorum patrem pertineant hujusmodi lucra, quoad proprietatem, ususfructus verò avo paterno cedat. Quæ omnia nihil ad præsentem Quæstionem facere, nec argumentum ullum, quod vel in speciem pro hac sententiâ faciat, præbere manifestum est. Ut vero sine fide & autoritate librorum Authenticorum, sineque ullâ necessitate, novi & insolentis juris introducendi causâ, tenorem verborum immutemus: aut certè lectionem prorsus incertam dubiamque, pro certâ, adeoque fundamento alicujus sententiæ, arripiamus, aliisque obrudamus, id quidem nec juris, nec rationis est: ab Interpretis certè officio nimium quàm alienum.] Fatendum tamen interim est, contra Baldum, aliosque veteres Interpretes tales, qui illam lectionem Bartoli admiserunt: non omnino de nihilo hoc fundamentum esse: quæ & causa fuit, cur Baldus *d. l. cum scitis, per N. 118.* correctam esse vel certè in lucris nuptialibus locum habere diceret.

16. Secundò, ad argumentum ex *l. de emancipati. 13. § ult. C. de legit. hered.* & allegato simili jure, quod in lineâ collateralis, in successione fratrum consanguineorum & uterinorum concurrentium obtinet, quod attinet: non est æquè facilis, neque tam consentiens Interpretum responsio. *Plerig, enim antecedens concedunt*, quod scilicet inter fratres regula illa obtineat: Paterna paternis, materna maternis: ideoque consequentiam tantum negant, non permittentes, ut, quod in fratribus isto casu singulariter constitutum est, ad parentes extendatur. Forster. *d. cap. 4. num. 20.* ubi etiam diversitatis rationem indicat: ac præterea legi illi per Nov. 84. derogatum esse. Ranzhinus *d. §. 14. num. 9. §. unde meritò. vers. Quam non mutat.* Salicet. in *Authent. Itaq., num. 2. C. Com. de success.* Gomez. *d. num. 8. vers. Neque obstat etiam.* Grassus in *§. successio ab intestato. quæst. 32. per tot. junctâ quæst. 22. num. 5. in fin.* [Constit. Elect. Saxon. August. part. 3. continet 14. & ibi Moller. vid. omnino consilia Altorff. 17. ubi & Azo & Glossa, & Dynus & Cynus & alii pro hac sententiâ citantur, quæ & ex-

pressi Juris & communiter recepta dicitur. (add. contrarium consilium. 16.)

17. Alii verò non tantum consequentiam non admittunt, sed ipsam quoque antecedens negant. Negant, inquam, in successione transversali, concurrente fratre consanguineo cum fratre uterino, distinctionem bonorum faciendam esse; ut fratri paterno; hoc est, consanguineo bona à patre, vel à linea paternâ profecta deferantur: materno verò fratri, h. e. uterino; bona materna vel materni generis præcipua sint, ut post Fulgosium & Corneum in *Auth. itaq. C. Comm. de success.* statuit Fachin. d. lib. 6. *controv. cap. 4. infin. & cap. 5. per tot. latè Plebst, ad Jus Wirtembergicum disp. 4. tb. 136.* ubi plures citat. Hunnius ad *Treutl. vol. 2. disp. 15. tb. 5.* [Uc frustra nunc Tiraquelus de *retract. consanguin. §. 14. gloss 2. num. 4.* dicturus, senon repere dissentientem, nisi Fulgosium.]

18. Et certè ad consequentiæ rationem quod attinet, eam in argumento illo nullam esse, & nihil præter levem conjecturam inde existere, non possunt ignorare aut diffiteri etiam illi ipsi, qui argumento eo utuntur: tum, quia nec Bartolum argumento eo usum esse vident: tum, quia ipsi quoque communiter consequentiam illam non admittunt in transversalibus ulterioribus præter fratres & sorores; aut certè fratrum & sororum liberos, ut videre est apud Gabrielium, lib. 4. *commun. conclus. tit. de success. ab intest. conclus. 3. num. 5. & seqq.* [Ludovicum Bologninum in *addit. ad Mart. Marbesilani tractat. de success. ab intestat. articul. 3. principal. n. 9. incip. Non sunt nulli.*] Grimald. in *commun. Opin. sub tit. successio. §. consanguinei, sive conclus. 4.* Covaruv in *sapè dictâ Epitome successionis ab intestato. num. 8. §. Tertiò est animadvertendum.* Ranchinum d. §. 14. n. 13 Forsterum lib. 8. de *success. ab intest. cap. 9. num. 9.* Schneidevvin. in *Instit. tit. de hered. qua ab intest. defer. sub rubric. de tertio ordin. succedendi, num. 22.* Borchtolt. de *gradibus. pag. 248. & 249.* Academ. Altorsinam in *respons. Juris octav. §. aber wie dem.* Rittershus. in *Nov. part. 7. c. 13. num. 16.* Vivium in *Sylvâ commun. opin. l. 1. opin. 335. n. 2.* & Grassum in *§. successio ab intestato. quæst. 32. n. 2.* Franciscus de Barry in *tract. de success. lib. 18. tit. 3. num. 5.* ubi etiam citatur Meynard. lib. 6. *cap. 90.* Hilliger. lib. 9. D. E. *capite 4. litera F.*

19. De antecedente verò, quod videlicet in fratrum consan-

gui-

guineorum & uterinorum concursu, distinctio bonorum facienda sit; etsi Dd. plerique consentiant (ut ex supr. dictis patet) & inter hos, quod mireris, ipse quoque Cujacius Nov. 84. & consultat. 23. & in parat. C. de legitim. hered. nullum tamen certum in jure fundamentum habet. Nam quod ad leg. de Emancipatio. 13. C. de legitim. hered. ex qua id depromitur, attinet; rectè docuit Fachinæus lib. 6. controuv. jur. c. 5. [à quo tamen cavendum esse monet Barry loc. sup. cit. sed forsân ratione Juris in Galliâ recepti ex consuetudine] (Idem etiam operose docet, nisi quod incommodè & ambiguè loquitur in propositione.) Plebst. in Jure Württemberg. disp. 4. part. 4. thes. 136. tradit etiam Hunnius in resolut. Treutl. vol. 2. disp. 15. th. 5. p. 250. (& postea etiam 252.) aitq; d. l. 13. per Novel. 118. corrigi. melius & accuratius Bachovius ibid. P. 1058. & seq.) loqui in eâ Justinianum non de fratre uterino, sed de fratre eo, quem vulgò Germanum vocamus, hoc est, qui defuncto non tantùm ex latere paterno, sed etiam ex materno latere conjunctus sit: ut is alteri fratri consanguineo, h. e. qui defuncto tantùm ex latere paterno conjunctus sit, præferatur in bonis, quæ defunctus frater à matre consecutus est. Ac proinde verba illa legis, *ex eadem matre*, accipienda sunt cumulativè, quasi dictum esset, *etiam ex eadem matre*: quod & vox eadem innuit: non autem privativè, quasi diceretur, *tantùm ex eadem matre*, vel potiùs, *tantùm ex matre*.

20. Quæ interpretatio ut per se probabilis est: ita confirmatur adhuc amplius ex eo, quod tempore promulgatæ ejus Constitutionis, fratres uterini nondum ad successionem in ordine fratrum, sed in ordine aliorum cognatorum. Primùm enim ad successionem in ordine fratrum admissi sunt. per l. meminimus. 15. d. 1. quæ biennio post (nimirum An. 534. Idib. Octobris, cum l. 13 lata esset Gal. Nov. An. 532.) lata est. In cujus §. 2. ita definit Justinianus, sed nec fratrem, vel sororem uterinos concedimus in cognationis loco relinquì. Deinde probabilior etiam fit ex eo: quòd de fratribus consanguineis tantùm, nihil in eâ lege dicitur, quòd scil. & illi in bonis Paternis præferantur fratribus uterinis tantùm. Id quod tamen ratio requirebat, ut diceretur: si is sensus esse legis deberet, quem vulgò dicunt, fratres Paternos sive consanguineos in paternis, maternos autem sive uterinos in maternis bonis præferri. Denique verisimilior etiam fit ex eo, quod Justinianus, in Novel. 118. in qua totam ferè successionis legitimæ

timæ doctrinam reformat, & quasi ex integro tradit, hujus tam notabilis observationis & distinctionis mentionem prorsus nullam facit; quod non omissurus fuisse videtur, certè non debuisset omittere; si ipsius hæc mens fuisset, in d. l. 13. C. de legitim. hered. ut fratres consanguinei paterna, uterini verò materna bona præcipua haberent. Quin etiam, si vel maxime ea fuisset mens Justiniani, in d. l. 13. tamen quia in novâ illâ Constitutione & reformatione successionis ab intestato, eam præterit, magis esset, ut abrogasse, quàm ut approbasse videretur. Quæ sententia videtur esse Fulgosii & Cornei, in Auth. itaq., C. Commun. de success. quos citat Fachin. d. loc. & Hottomann. in consil. 23. quem citat Dd. Gothofred. in not. ad d. l. 13. C. de legitim. hered. Eandemque etiam antiquissimi Glossatoris Pilei Modicensis sententiam fuisse, testatur Forsterus d. lib. 7. c. 4. n. 20. Quæ rationes cum minimè frivolæ & contemnendæ sint, ut rectè judicat Conradus Rittershusius in Expos. Novell. part. 7. cap. 13. n. 10. quibus adjungi poterit etiam ea, quam infra ex Reform. Francofurt. proponemus, quod hæc res jurgia & lites pariat; nihil sanè causæ est, cur sententiæ contrariæ, etiamsi communis sit, eam auctoritatē deferamus, ut illam pro argumento ad quæstionem nostram propositam adduci patiamur; quod sine fallacia petitionis principii fieri non potest. Maxime, cum & concessio antecedente, consequentiæ tamen ratio nulla sit, ut idem etiam nostro in casu, h. e. in ascendentium successione, obtinere oporteat.

21. Tertio, ad argumentum ex l. 4. C. de secund. Nupt. petitem, quod attinet: id, si de jure constituendo sermo esset, & res inter Consiliarios LLatoris ageretur, moment i forsàn aliquid, quamvis certè parum admodum, habere posset. At hîc, cum de jure constituto quæstio est, & res inter Interpretes Juris versatur, vim omninò nullam habet. Non enim si unum aliquod constitutum est, idcirco etiam aliud constitutum esse, dicendum est, quod ab eo planè diversum, & valdè dissimile atque dispar est. (quæ mens quoque videtur esse Forsteri. d. c. 4. n. 20. §. Hac quoque responsione, & Gomezii, in d. l. 6. Tauri. n. 8. versic. Neg. obstant.)

22. Quarto ad allegationem æquitatis quod attinet: id quoque ad Quæstionem Juris constitutiendi, adeoque ad LLatorem, ejusq; Consiliarium pertinet: non autem ad Quæstionem Juris constituti, &
ad

ad Juris Interpretem. Ac propterea nulla est consequentia si quis dicat: Hoc æquum esset constitui; E. constitutum est. Æquitas suadet tale Jus introduci. E. perinde habendum est, ac si tale Jus introductum, vel talis lex lata esset, *Quin etiam ipsa illa allegatio æquitatis, principium petit.* Unde enim probaverint, sic æquum vel æquitatem esse? certe non *ex d. § igitur liberi. 1. l. per qu. person. cuiq. acquiritur.* Ponamus enim, ut in illa specie nulla injuria est, (Justiniani nostri judicio) quod ex Patris occasione profectum est; hoc ad eum reverti: ita in hac quoque specie nullam injuriam esse, quod à linea paterna profectum est, hoc ad Parentes paternos reverti, & quod ex linea materna. ad maternos: an propterea inde sic licebit inferre: Nulla est injuria sic Jus constitui. Et æquitas flagitat, aut certe suadet sic constitui. Majus utique est, aliquid æquum esse, vel æquitatem aliquid requirere: aliud, aliquid non iniquum esse, vel æquitati non adversari. Suntque; ea non immediata, sed mediata contraria, æquum & Iniquum. Denique sunt in genere argumentationes omnes, quibus ex æquitate quadam Jus scriptum impugnatur, sive id fiat restringendo, sive extendendo, [de abrogando enim non est opus dicere] satis periculosæ. Quemadmodum ex Celsò monuit Paulus *JCtus in l. si servum. 91. § 3. de V. O.* In quæstionibus de bono & æquo, plerumque sub auctoritate Juris scientiæ, perniciosè errari: [Et. (quod tamen pertinere videtur magis ad abrogationem) eleganter Quintilian, inter alia inquit: Si apud judicium hoc semper quæri de LL. oportet, quid in his justum, quid æquum, quid conveniens sit Civitati, supervacuum fuit, scribi omnino leges. Et, quid interest, nullæ sint, an incertæ leges?]

23. Sunt & contumeliosæ quodammodo adversus Juris nostri auctores, quod illi tot tantique viri, tot sæculis æquitatem eam videre non potuerint: quos tamen & diligentissimos indagatores, & æstimatores æquitatis longè prudentissimos constat fuisse. Ut non immeritò dicat Cujac. *consulti 38.* Tantum nos ab æquitate recedimus, quantum à Jure scripto recedimus. [& Oldendorpius in form. *investiganda ætionis. sub rubricâ, Jure scriptone, an æquitate sit judicandum?* Neque vero imaginandum est, inquit, æquitatis censuram desiderari in his casibus, de quibus principaliter Lex scripta statuit. Quis enim credat, quempiam hoc sæculo, graviore deliberatione boni & æqui, judicaturum esse, quàm à Romanis LLatoribus Justitiæ consultissimis, factum sit, in illis speciebus, de quibus nominatim ac specialiter scri-

perunt. &c. Certè, vreisimile non est, Justinianum nostrum, cum tot locis de successione ab intestato in suo corpore Juris tractet, omissum id fuisse, si tam æquum id esset, quàm Bartoli sequacibus (hominibus sc. ad pauca respicientibus, quorum est, faciliè affirmare, teste Aristot. *lib. 1. de generat. cap. 2.*) videtur. Itaque ut in aliis rebus, non satis est dicere aliquid, sed etiam ejus rei causam indicare, neque statuere ullam sine ratione sententiam, sed aut inductionem aut demonstrationem adferre oportet: auctore Arist. *lib. 8. Physic. c. 1.* (sive ut ille ait: Non satis est illuc, uno te dicere verbo, sed faciliè ut quisvis sentiat & videat.) Ita vel maximè in ejusmodi æquitatis adversus Jus nostrum Civile, allegatione, propter fortissimam contrarii præsumptionem, probatione admodum accuratà atque exactà opus esse intelligitur: quàm haud faciliè quisquam præstiterit] quãdere, æquitate nimirum, copiosè diximus in tractatu nostro *de Codicillis & Clausul. Codicill. sub c. 8.*

24. Postremò ad Bartoli & communis Opinionis auctoritatem quod attinet: de comuni opinione jam diximus, ex ipsorum Opinionistarum communi sententia, non esse adhærendum communi Opinioni, cum ea convinci erroris potest: cujus haec, de qua differimus, doctrinam convictam esse, ex hætenus dictis liquet. Et si Bartolo licuit à recepta omnium antiquorum sententiã, ob singularem aliquem, nullique alii observatum textum Juris, secedere; cur non & aliis liceat, receptam jam communius sententiam Bartolinam, ob rationes & supra propositas, & infra adjiciendas, repudiare? Ipsius verò Bartoli auctoritas, etiamsi permagna si plerisque, ut videre est apud Nicol. Everh. *in topic. Legal. sub loco, ab auctoritate.* communi tamen opinione inferiorem esse, cum fateantur omnes, non est, quod magis nos, quàm ipsa communis Opinio moveat. Et jamdudum visum fuit Baldo, Paulo Castrensi & Jafoni: ob novas Phantasias Bartoli, vel à comprobatà multorum judicio opinione, vel ab ipsa ratione, vel à textu secedendum minimè esse: ut ex iisdem refert Forsterus. *sape dict. c. 4. n. 21.* Ut jam dicamus, quod gravissimus Interpretum Juris, Cujac. *lib. 12. Obs. 16.* nequaquam tam præclare de Bartolo judicet: sed Accursium longè magis coronã donet: à quo quicquid aberret Bartolus, vanæ fictiones & ægri somnia Cujacio videntur Sed & à Dnn. Assessoribus Augustissimæ Cameræ Imperialis rejectam esse Bartoli & sequacium sententiam, testatur Mynsing. *cent. 6. Obs. 55.* ubi etiam proficitur,

fitetur, contrariam sententiam de jure veriore esse, rationibus iis, quas hactenus exposuimus, evidenter convinci. Nec Bartoliam, sed hanc, quam diximus contrariam, ut veriore esse, ita usu servari, testatur Wesenh. in not. marginal. ad Schneidevin. in Instit. tit. de success. ab intest. sub rubr. de secundo Ordine succedendi num. 12. p. 404. [vid. omnino Plebst. loco supr. citat.] Eamque etiam ut hodie communiorem agnoscere videtur Grassius in § successio ab intestato qu. 22 n. 5. in fin.

25. [Nec impedit, quod in jure nostro nulla hac de re extet expressa decisio, ut Mynsing. d. Obs. 55. num. 1. sive ut Forsterus d. c. 4. num. 10. inquit: quod in jure hac de re textus expressè conceptus non est. Sufficit enim, tacitam haberi decisionem, dum scilicet proposita doctrinâ generali, distinctio illa legibus ommissa est. Nota enim sunt vulgata illa dicta: ubi Lex non distinguit, nec nostrum est distinguere. Quod in lege non cavetur, in Practica non habetur. Paria sunt, aliquid fieri sine lege, & fieri contra legem. De quibus videre est apud Everhard. in loco, à lege cessante. Et notum etiam est tum ex Logicis præceptis, tum extractione naturali: quæ de Genere prædicantur, eadem quoque prædicari de Specie. Unde Decius in Comment. ad l. 1. ff. de R. J. rectè inquit: Sicut genus comprehendit species propriè, ita regulam complecti species etiam eas, quæ post Regulam superveniunt: Ac proinde etiam in casibus non determinatis, fundatim habere intentionem, cum, qui regulam Juris pro se habeat. Alioquin cerè si argumentis & rationibus generalibus (h. e. generalissimis) Jus constituere, & Leges distinguere liceret, neque certum, neque finitum Jus esse posset: cum nulla Lex tam firma sit, quæ non aliqua ratione, vel distinguendo saltem possit labefactari. Ut rectè monet Vigelius, in methodo legendi Juris controversi sub Reg. 1. except. 2. replic. 3. quo etiam pertinent, quæ tradit Forster. d. c. 4. n. 13. & 14.]

26. Sic itaque refutatis iis, quæ pro sententia affirmativa Primæ hujus Quæstionis, sive primi casus pro amico dicti, adferri solent: patet; eam nec ullo Juris textu, nec ullâ ratione probabilî nedum; necessariâ subnixam esse: & neque authoritate idonea suffultam ita, ut secundum eam judicandum respondendumve sit.

27. His, ex abundanti, majoris certitudinis habendæ, omnisque dubitationis tollendæ causa, addi possunt & rationes quædam aliæ, quæ pro contrariâ sive negativâ sententiâ faciunt : Ex quibus *Prima est*, quod in *Nov. 118. c. 3.* ubi de Parentum successione ex professo agitur, Justinianus non tantum hujus distinctionis bonorum faciendæ, mentionem omnino nullam facit : sed etiam verbis utitur talibus, quæ eam avertentur & elidant. Si, inquit, multi (*πολλοι*), vulgata versio malè habet, plurimi) ascendendum supersint, hos præferri jubemus, qui gradu proximi inveniuntur, masculos juxta & foeminas, sive paterni sive materni generis ; An eundem gradum omnes tenebunt, *hereditas inter ipsos æquis portionibus dividatur* : ut medietatem quidem, sive semissem omnes paterni generis ascendentes capiant, quotcumque tandem sint : reliquum verò semissem (sive reliquam medietatem) ascendentes materni generis, quotcumque eos tandem inveniri contigerit. Quo loco non modò nullam distinctionem bonorum præcipi videmus : quod tamen aliàs sine vitio omitti non potuisset à LLatore : sed etiam verbis, *Hereditatis ex æquo dividenda, & semissis ad hos, semissis ad illos transferendi*. intelligimus totum defuncti patrimonium, sive bonorum à defuncto relictorum universitatem (Hæc enim hereditatis verbo significatur. *l. nihil est aliud. 24. ff. de V. S. l. hereditas. 62. de R. J.* nec ex diversitate originis, sive ob diversam acquisitionis originem distinctæ diversæque hæreditates existunt. *l. sed si plures. 10. §. filio. 2. ff. de Vulg. & Pupill. Subst.*) ex æquo inter Parentes dividendam esse. Non divideretur autem hereditas ex æquo : si prius bonorum distinctio faciendâ, & paterna paternis, materna maternis (quæ sæpè summè imparia sunt) deferenda essent : ac tunc demùm in reliquo, quod non hereditas, sed hereditatis pars est, divisio ex æquo faciendâ foret. Quæ ratio certè tam valida est & efficax, ut vel abrogari *per d. Nov. 118.* dicenda videatur *l. 2. C. de bon qua libb.* si in eâ sententiâ Bartoli contineatur, quod & Baldus statuit, *in d. Aub. Defuncto. C. ad SC. Tertull.* & statuisse plerosque, colligitur ex *Jasone. in d. l. Post dorem num. 108. & seqq. ff. solut. matrim.* ubi adversus hanc solam instantiam, abrogatæ scilicet *d. l. 3. per Nov. 118.* pugnat. Quæ etiam sententia est *Anton. Fabri. in Codice suo. l. 6. t. 33. de legitim. heredib. defin. 2.* [Atque hoc argumentum in quip-

quinque secat Forsterus. *d. c. 4. num. 12. & seqq.* quorum primo verbum Hereditatis, *in d. Nov.* positum, secundo & tertio omissionem distinctionis, quarto & quinto analogiam Juris, quod bona semel quæsitæ, undecunque provenerint, cum aliis consolidentur, unumque patrimonium efficiant, nec in delatione hereditatis origo acquisitionis, sed personæ acquirentis spectetur, assignat.] Et similia ferè habet Gomez. *ad l. 6. Tauri n. 8.* sed satius est, unum ex iis omnibus argumentum, quod tantò validius sit, extruere.

28. Altera ratio sit, quæ Forstero *in citat. cap. 4. num. 19.* est sexta & postrema, si in hereditate liberorum parentibus deferenda, talis distinctio, qualem Bartolus vult, facienda est, ut origo bonorum consideretur, & separatim quoque ad lineam eam redeant, a quâ ad defunctum pervenerunt, consequens est, ut etiam ascendentes imparis gradus diversæ lineæ pariter admittantur, v. c. Pater & avus maternus, sive avia materna, vel mater & avus paternus, aut avia paterna. Atqui id consequens est falsum, tum ex manifestis verbis. *d. Nov. 118. c. 2.* tum ex concordii omnium interpretum sententiâ. Ergo etiam antecedens falsum sit necesse est. Ratio autem consequentiæ in propositione est, tum allegata illa æquitas, quod æquum sit ad eam lineam reverti bona, à quâ provenerunt: quæ æquitatis ratio imparitate gradus non afficitur aut mutatur: tum quòd *in d. l.* non proximitas gradus, sed tantum origo acquisitionis, decidendi rationem, juxta Bartoli interpretationem præbet.

29. Tertia & postrema ratio sit ea, qua utitur Vasqu. *in tract. de success. tom. 3. qui est de successionum resolutione, libr. 2. § 13. n. 11.* quod in dubio amplectenda sit opinio ea, quæ multas quæstiones dirimit. arg. *l. 1. §. si heres. 16. in fin. ff. ad SC. Trebell.* Sicut certe nec prudentis LLatoris est, ita rem definire, ut plura ex decisione dubia oriantur, quàm per decisionem finiantur: nec periti & religiosi Interpretis, nulla necessitate cogente, ita interpretari legem; ut dubitationum potius materia quàm decisionis instrumentum esse videatur. Atqui ea sententia, quæ Regulam illam, *Paterna paternis, materna maternis*, respuit: & quidem tam in successione transversalium, quàm ascendentium, multas quæstiones dirimit. Veluti, quousque se extendat ea bonorum prærogativa: an

etiam in impari gradu habeat locum : an ad acquisitionem universalem tantum, an verò etiam ad particularem pertineat? Nec non quaestiones facti : unde quælibet bona acquisita sunt? Quam ob rationem & Reformatio Francofurt. *part. 5. tit. 3. §. 5.* distinctionem illam bonorum in lineâ transversali (necum in paternâ) repudiat. Cujus verba, quia notabilia sunt, recitare & annotare non pigebit. Sunt autem hæc : Und wiewohl die Rechtsgelehrten wollen und halten / daß im fall / da ein halb geschwistrig vom Vater / an einem / und ein halb geschwistrig von der Mutter / am andern Theil / vorhanden / und alsdenn ein Unterscheid soll gemacht werden zwischen den Gütern / welche dem Verstorbenen / vom Vater und dessen Bluts- & Freunden / oder aber von der Mutter und derselben Bluts- & Verwandten / zukommen und anvererbt seynd : Jedoch / dieweil solches groß Gezänck und Unrichtigkeit gebühret / auch hierinn die Beweisung etwan schwer fallen. So lassen wir es dabey bleiben / daß des Verstorbenen Verlassenschaft / die komme her wo sie wolle / für die seine gerechnet / und also ohn unterscheid geerbet werde.

30. Ex quibus omnibus patet, quàm ineptum absurdumque sit, propter auctoritatem solius Bartoli, à communi, multisque seculis citra controversiam receptâ, eâque legibus admodum consentanea sententia, nullo idoneo argumento secedentis, & aliorum Dd. sine judicio aut delectu eum sequentium numerum, hanc controversiam in eo loco numeroque habere, ut Judici in ea liceat modò in affirmativam, modo in negativam partem pronunciare, pro ut huic aut illi parti amicus sit aut faveat : cum ex Juris præscripto, quod eum non aliter judicare permittit, quam legibus, aut constitutionibus, aut moribus est proditum ; non aliter, quàm in partem negativam, & contra illam distinctionem Bartolinam pronunciare possit.

31. Breviter, & ex norma Juris, suæ supra laudatæ rationis legendi Juris controversi, hanc Quaestionem decidit Vigelius *cent. 1. decis. Jur. controvers. decis. 16.* his verbis : An ascendentes paterni & materni generis succedant defuncto, illi quidem in bona à patre profecta, hi verò in bona à matre profecta? Controvertitur. Pendet ex Novell. 118. si autem eund. (cap. 2.) ubi paterni generis ascendentes in dimidiam, & materni generis ascendentes in alteram dimidiam hereditatis

tatis partem ab intestato vocantur. De cujus exceptione dubitatur, si defunctus Paterna & Materna bona reliquerit, quod dictæ constitutioni in istis bonis locus non sit. Sed cum hæc exceptio sit controversa, nec ulla speciali lege approbetur, non est attendenda. Accedit Mysing. cent. 6. observ. 55.

Atque hæc de primo Casu pro amico, supra proposito.

QUÆSTIONUM SIVE CASUUM PRO AMICO

SPECIES II.

*An legatum ademptum esse dicendum sit per si-
pervenientes inter testatorem & legatarium inimicitias capitales &
non reconciliatas; quibus ipse testator, & non legata-
rius causam præbuerit?*

1.

Hanc Quæstionem casum pro amico disertè nominat Jason. in l. be-
reditas 4. C. de his quibus ut indign. num. 4. eumque ita sentien-
tem & loquentem refert Cavellianus Cotta in memorabilib. sub
verbo inimicitia.

2. Esse autem valdè controversam inter Dd. colligitur præterea
etiam ex illis, quæ tradit idem Jason. in l. si filiam tuam 19. C. de inoff.
testam. num. 2. ubi quidem non nominat Quæstionem aut Casum pro
amico. itemque Hippol. Riminaldus in princip. 1. de donat. n. 408. &
seqq. qui & ibidem indicat, Petrum Gerardi de Petra sancta id cogi-
tandum reliquisse, tanquam cui ipse dissolvendo impar esset. Simon
de Prælis lib. 1. de interpret. ult. volunt. Interpret. 2. dubie. 2. solut. 4.
Didacus Covarruvias in rubr. de testament. part. 2. num. 19. §. quinid
ex præmissis apparet. Franc. Mantica Cardinalis in tract. de conject. ul-
timum volunt. lib. 12. tit. 5. num. 9. Fernand. Vasquius in tract. de
success lib. 1. de success. creatione. §. 10. num. 621. & lib. 3. de success. pro-
gress §. 27. n. 9. Jac. Menoch. in tract. de præsumpt. lib. 3. præsumpt. 37.
n. 20. & seqq. & lib. 4. præsumpt. 170. n. 6. & seqq. Joseph. Ludovicus
in commun. concl. sub. tit. de adimendis legatis. conclus. un. ampliat. 13.
declar. 3. Josephus Mascardus in tract. de probat. vol. 3. conclus. 1287.
legat.

legat. revocatio, ex quibus inducatur & probetur. n. 143. & seqq. & Glossatores (additionatores) ad singularia Ludovici Romani. sing. 199. [Qui omnes adhuc plures alios in utramque partem citant.]

3. De qua Quæstione, ut rectè judicemus, meminisse debemus: Certi Juris esse, tam legata, quam fideicommissa nudâ voluntate adimi posse; & quidem voluntate non tantum expressâ, sed etiam tacitâ atque præsumpta, veluti in Specie, si post legatum aut fidei commissum testamento alicui adscriptum, capitales aut gravissimæ inimicitiz inter testatorem & legatarium intervenerint. Talibus enim inimiciis interpositis, ademptum videri id, quod relictum est. Textus est expressus, in l. 3. §. ult. ff. de adim. legat. cum quo concordat. l. si inimicitia. 9. in pr. ff. de his qua ut indig. aus. ubi idem Ulpian. qui & d. l. 3. "auctor est, inquit: Si inimicitiz capitales intervenerint inter legatarium & testatorem, & verisimile esse coeperit, testatorem noluisse, "legatum sive fideicommissum præstari ei, cui adscriptum relictum "est: magis esse ut legatum ab eo peti non possit: quia sc. repellitur per doli exceptionem. l. 3. §. ult. de adim. legat. & ob id ipsum legatum remanet penes heredem; non acquiritur fisco: quia tunc demum fiscus vocatur, cum legatum delatum est legatario. Ab hoc enim defertur cum effectu. Gujac. b. in recit. Idque adeo verum est, ut licet testator post inimicitias illas ortas codicillos fecerit, nec in iis legatum aut fideicommissum legatario ademerit, nihilo tamen magis debeatur, exemplo, & arg. l. 31. §. 2. pen. ff. de admin. leg. quod & singulariter volunt Cotta d. l. in princip. Mantica d. lib. 12. tit. 5. num. 2 Mascard. d. conclus. 1287. num. 138. Menoch de præsumpt. 170. num. 4. Hoc tantum addunt LL. nostræ. quod si iterum in amicitiam redierint, & poenituerit testatorem prioris offensæ, legatum vel fideicommissum relictum redintegretur, ut ex eodem Ulpian. relatum est in leg. 4. ff. d. t. de adim. leg. Id quod quidem propriè exceptio non est, nisi in Regulâ ademptio cum affectu accipiat; Reconciliatio enim superveniens non facit, ut non ademptum sit, & pro non adempto habeatur. Dubitationis tamen tollendæ causâ Quæstionem propositam specialiter concepimus de inimiciis non reconciliatis. Quamvis ipsum verbum ademptionis tam propriè (neque enim hic redintegrationi locus est) quam cum effectu accipiamus.

4. Verum huic doctrinæ Juris, in d. l. 3 §. ult. junct. l. 4. ff. de adim.

adim leg. & l. 9. princ. ff. de his, qua ut indign. propositæ, de legati propter inimicitias supervenientes ademptione, Bartolus vult adijci Exceptionem hanc. *N*si inimicitia absque culpa legatarii extiterint. in interpretatione. *l. cum secundis tabb. 16. §. quoniam 1. ff. de his qua ut indign.* Cujus §. summam tradit hanc: *Inimicitia inter legatarium & testatorem provenientes absque legatarii culpa, eum legatò non privant.* Et mox subjicit: *Nota hunc casum ad limitationem. l. 3. §. fin. sup. de adim. l. g. ut quod ibi dicitur, quod propter inimicitias revocetur legatum, sit verum, si inimicitia intervenerint culpa legatarii: secus si sine culpa, ut hic; quod tene mente.*

5. Ante Bartolum, qui hanc sententiam tenuerit, nemo nominatur, sed ipse Bartolus primus eam, perinde ut & in superiore Quæstione, tradidisse scribitur. Quod imprimis notat Jason, tùm in *d. l. filiam. 19. n. 2. C. de inoff. testam.* cum inquit: Alii ibi nihil tantum: nec invenio alibi adhuc tactum; tùm in *l. hereditas. 4. n. 3. C. de his quib. ut indign. auf. hered.* cum inquit: Ita singulariter solus Bartolus, nec alibi legi: nec invenio, quod aliquis mentionem de eo faciat, vel approbando, vel reprobandò.

6. Bartolum deinde secuti sunt alii multi, quos recensent Cotta in *memorabilib.* Riminaldus in *Iustit.* Prælis in *tract. de Interpret.* ultim. vol. in locis supra nominatis: Qui & ipsi (Cotta scilicet Riminaldus & Prælis) sententiam Bartoli & sequacium à laudatorum amplectuntur, quibus & Barbarium addit Menoch. *de presump. 37. n. 22.* Aded, ut Riminaldus *num. 412. in fin.* de suo tempore dicat; Bartolum plures sequaces habuisse, contradicentem verò neminem, excepto Jason & Johan. de Amicis, & Franc. Ripà, ac propterea eam opinionem Bartoli, tanquam communem laudat cum Cotta in *memorabil. d. loc.* quam & communem facietur Menoch. *d. num. 22.* licet dissentiens.

7. Fundamentum hujus distinctionis atque exceptionis, ponit Bartolus in *d. l. 16. §. 1. ff. de his qua ut indign.* cujus eum sensum & scopum esse putat, quem supra ipsis verbis indicavimus.

8. Fundamentum certè inutile & nihili. Etsi enim de vera & genuina ejus §. interpretatione vehementer laborent Interpretes: ut & Cujac. *lib. 5. obs. 6* profiteatur, suo tempore nondum à quoquam eum paragraphum benè aut restitutum, aut explicatum esse. & post Cujac. etiam Ant. Faber, *lib. 3. conject. 14.* sententiam ejus obscurissimam & à

F

nemine

Demine hæcenus rectè explicatam dicat : Et utriusque (Cujacii, inquam, in *d. obs. 6.* itemque in Papinian. *lib. 8. Respons. in not. ad d. l. 16. §. 1. & in recitat. ad titul. de his qua ut indign. l. 9* & Anton. Fabri *d. cap. 14*) diversæ atque pugnantes interpretationes sint, & cum neutra etiam conveniat explicatio Detlevi Langebeki? in *annot. cap. 31.* Eam tamen sententiam, quam Bartolus loco illi assignat, nemo unquam ex verbis ejus paragraphi, ullâ arte eruet aut evincet : cui etiam magis Accursii interpretatio mirè contorta atque erronea, quàm ipse legis textus occasionem præbuit, ut rectè observavit Anton. Faber : qui & illud verissimè ; Nihil incommodius & à mente Papiniani alienius excogitari posse, quàm sit illa Bártoli commentatio. Quod & faciliè apparebit cuivis, verba paragraphi legenti, maxime, si & interpretationes Cujac. Fabri, Langebekii adhibeat : quæ utut in nonnullis discrepent, in principali tamen, ipsoque scopo legis concordant; nimirum id quod Concubinæ relictum est, non auferri tanquam indignæ, eò quòd cum ea non contrahatur stuprum.

9. Error autem potissimum ortus est ex verbis paragraphi illis : *Qua se non Patroni concubinam esse patitur.* Quorum sensum huic putavit esse Accursius, quasi Patronus libertam concubinam suam esse voluisset : liberta autem noluisse ; quia scilicet Patronus, ut ille fingit, adhuc aliam concubinam habuit. Imo ipsam liberta matrem cognovit : Undè ex parte libertæ summa odii causa adversus Patronum, tantum facinus attentantem : ac proinde inimicitia capitalis inter libertam & Patronum, ut Riminald, *num 413.* pomposè & graphicè, quasi interfuisse, (ut Senec. in *natural. quæst. loquitur*;) exponit. Quia verò in *d. l.* definitur, non denegari Concubinæ actionem ejus, quod ipsi testamento relictum fuit. Quod vulgò relictum putant libertæ à Patrono, qui eam in Concubinam expetierat, ob id valdè indignatam ; ejus rationem decidendi Bartolus & sequaces, existimant esse hanc, quod offensa illa & capitalis inimicitia contigerit facto & culpâ Patroni, non autem libertæ, ut Riminaldus *d. l.* disertè tradit. Cujus tamen decidendi rationis ne ullum quidem in totâ lege vestigium est. Et verba illa hoc voluit : Non tantum cum eâ muliere, quæ Patroni sui concubina est, stuprum non comitti : quòd minus dubium est :

ex l. pr. inf. ff. de Concubin. l. 41. §. 1. ff. de R. Nupt. sed ne quidem eum eā, quæ alius, quàm Patroni concubina est, siue, quæ non Patroni concubinam se esse patitur: ut sic partic. Negativ. Non, non pertineat ad verbum patitur: sed ad nomen Patroni: ut intelligatur concubina cujusvis alius, quàm Patroni: & fiat pronunciatum non negativum, q. d. liberta se Patroni concubinam esse non patitur: sed infinitum, ex parte subjecti: hoc sensu, liberta se non Patroni concubinam esse patitur: vel, liberta siue mulier alterius, quàm Patroni (ut est in l. 41. §. 1. ff. de R. N.) concubina est. Quod non observatum, præcipuam errandi occasionem præbuit.

10. Quin etiam, si vel maximè non tam aliena à verbis & mente Papiniani Bartolina sententia esset; tamen vel propter illam ipsam tantam legis obscuritatem, pro fundamento hujus doctrinæ tam confidenter obtrudi; aut tam avidè arripi & haberi non deberet: nec ad Jus certum atque apertum limitandum, & restringendum adduci. Certa enim ex incertis, indubia ex dubiis corrigi, aut declarari, non est rationi consentaneum.

11. Præter hoc fundamentum, cui Bartolus opinionem suam superstruxit: adducunt ejus ad stipulatores etiam rationes quasdam alias: sed omnes tales, quæ quidem rei per se certæ atque probatæ, fortassis ornamentis causâ accedere possent: sed ad rem dubiam atque incertam probandam, aut evincendam, vim omninò nullam habent; longeque faciliùs refutari, quàm ad veritatis & consequentiæ speciem aliquam conformari queunt, quæ videri possunt apud Gottam & Riminaldum, in locis supra indicatis. [Quorum refutatione nos brevitatis causâ superse demus: maximè, cum ineptum ac propè fatuum sit, fatuas rationes operosè & cum curâ refellere, ut post Arist. l. 3. de part. animal. cap. 3. monent Arnobius lib. 1. advers. Gentes, & Lactantius libr. 1. cap. 6. de opificio Dei. & ex nostris, Cujac. in obs. & Rittersh. in Comm. ad Salvianum Episcopum Massiliensem.]

12. Cæterum, hanc Bartoli opinionem non receperunt Jafon. Joan. de Amicis, Ripa, Covarruvias, Mantica, Vasquius, Menoch. in locis supra citatis: qui & plures alios laudant: ut & Joseph. Ludovicus loc. supr. cit. qui hanc Bartolinæ contrariam sententiam veriore & communiorē esse dicit: Quem refert & sequitur

Mascardus *d. concl.* 1287. num. 144. & 145. [Cujac, *in recit. ad sit. de adim. legat. l. 9. princ.* Igitur, si testator legatarium capitis accusavit, ademptum videtur legatum. Quid, si è contrario legatarium testatorem capitis accusaverit? Ex hac etiam specie non vocabimus fiscum, sed dicemus, legatum remanere apud heredem *l. pen. §. Siia 3. d. adim. legat.* De Anton. Fabri sententiâ patet ex *supr. d. & is.*] Inprimis verò eam impugnavit Jason in utroque loco supra indicato: quod quidem fecisse se putavit primum & ante omnes, cum in *l. 4. C. de his qua ut indign.* profiteatur, se neminem vidisse, qui mentionem de eo faciat, vel approbando vel reprobando: sed pariter id etiam fecit Joan. de Amicis, qui in *Consil. 4.* ubi latè contra Bartoli opinionem disputat, se decem annos antequam vidisset Jasonem, eandem cum eo sententiam excogitasse & recitasse dicit: ut refert Riminaldus *loc. sup. cit. n. 411.*

13. Impugnant autem illam Bartoli opinionem ita, ut eam non ad fontem *d. l. 16 §. 1 ff. de his qua ut indign.* revocent. ipsumque adeò fundamentum diligenter examinent: nisi quòd quasi obiter dicunt, illam legem loqui de inimiciis, multò minus in specie de capitalibus inimiciis, ac proinde non posse esse fundamentum hujus opinionis: sed illum locum tanquam dubium & obscurum, & per Glossam satis favorabiliter in Bartoli sententiam explicatum, quasi in medio relinquunt. Interim argumentis aliis contra eam pugnantibus; quæ cum non ita difficulter aut refutari, aut certè resolutione aliquâ eludi possint: factum inde, ut adversus auctoritatem Bartoli, apud ejus admiratores, non satis ponderis momentique haberent: nec auctoribus ipsis omninò satisfacerent: non habituris alioquin hanc quæstionem in numero Casuum pro Amico.

14. Primum argumentum desumitur ex *l. 4 ff. de adim. leg.* ubi cum dicatur, *paruisse testatorem prioris offensa*: id significari putat Jason; quod ipse testator intulerit offensam, seu legatarium offenderit, adeoque causa inimicitiarum fuerit. Verum rectè notavit Cotta, verbum *Offensa* indifferens esse, & in utramque partem intelligi posse: ideoque firmam ex eo loco consequentiam non esse. Quem etiam sequitur Riminald. *num. 415.* Et observare est, ex collatis locis Juris nostri, ubi hujus verbi mentio fit, Offensam au-

tho.

thoribus nostris esse, Animo hærentem indignationem, & iram ex alicujus malo merito conceptam: ut notat Briffon. *lib. 13. de V. S.* [facit huc l. 2. ff. de bu qua in testament. del.] Itaque poenitere offensæ testator dicitur, non modò, cùm eum poenitet offensæ, seu injuriæ, quam ipse alteri fecit, sed etiam, quando injuriam ab alio sibi illatam, condonat, & indignationem ex eâ conceptam remittit. Ineptum autem est. quod præterea adjicit Riminald. *d. l. 4.* cum præced. l. 3. §. ult. oportere accipi de causâ inimicitiae & offensæ ab ipso legatario profectâ: quia si testator ei causam præbuisse, adimendo legatum, malum malo adderet, quod esse non debeat; Cujus argumenti facies est hæc: Non debet adimere legatum. Ergò non adimit.

15. Secundum argumentum ejusdem farinae est: desumptum ex l. ex part. 22. ff. de adim. leg. in verbis: *eum testator inimicitia gravissimis persecutus, præteritis.* Cujus argumenti infirmitatem ipse quoque Jason agnovit & falsus est, adnectit autem eidem, quòd ipse quoque Bartolus in interpretatione d. leg. circa heredis quidem institutionem, at non etiam circa legatum distinguendum esse tradat, adeoque à seipso dissentiat: quod etiam notat Mantica *d. lib. 12 tit. 5. num. 9.* Quod refutationis genus Philosophi vocant *κατ' ἀσθενειαν*, ad hominem. Contra solutionem quæsit in verbo *Prosequutus* seu *Persecutus*, quod hic passivè accipiendum esse ait, quasi testator à legatario gravissimis inimiciis persecutus sit: Riminaldus autem in verbo, *gravissimu*: quasi non soleat gravissimas inimicitias gerere, qui causam iisdem præbuit. Uterque ineptè: Ille, elegantiam sermonis, citra necessitatem (neque enim sequitur gravissimis inimiciis persecutus est legatarium: Ergò citra legatarii culpam, solâ malevolentia, testator eum inimicitia persecutus est) contorquens & depravans: hic verò, dubium per æque dubium, insigni principii petitione probans: cùm, ut est apud Tacitum, *in vitâ Agricola*, proprium humani ingenii sit, odisse quem læseris.

16. Tertium argumentum est, quod ademptio legati non dependeat à merito aut innocentia legatarii, sed à nuda voluntate testatoris, quem lex præsumit, propter gravissimas inimicitias supervenientes, voluntatem mutasse, & adimere legatum voluisse.

Atqui eadem voluntatis mutatz causa, æquè præsumitur in casu inimicitiarum, culpâ testatoris contractarum: idque vel tanto magis, quod, ut diximus, proprium humani ingenii est, odisse quem læseris. Hoc argumento cum usus esset Jason tantum in l. 19. C. de inoff. testam. & non etiam in l. 4. C. de his que ut indign. inde occasionem sumisit Cotta, ut id dissimularet, siccoque transiret pede. Riminaldus autem ineptè respondet: in tali casu præsumi non mutatam voluntatem, ob non mutatum testamentum: in altero autem casu, quo legatarius causam præbuit, præsumi voluntatem mutatam, etiam si aliud testamentum non fuerit conditum. Rationem differentiz si quæras: silentium pro ratione est. Estque hoc argumentum optimum omnium eorum, quibus Jason utitur, quod & in præcipuis habent Covarruvias, Vasquius, Mantica, Menochius in loc. supr. laudatis.

17. Quantum & Quintum argumenta desumuntur ex loco à paribus: quod sc. etiam in excusatione tutoris, propter inimicitias, nihil referat, cujus culpâ illæ extiterint, sed satis sit, esse inimicitias, itemque quodd testis propter graves & capitales inimicitias, repellatur à testimonio, etiam si ex vitio ejus, contra quem testis producitur, ortæ sint, ut ipsa Glossa & Dd. tradunt. Ac proinde etiam hic non esse distinguendum, testatorne, an legatarius inimicitias huius causam præbuerit. Hæc argumenta Riminaldus silentio præterit: Cotta verò nullam idoneam disparitatis rationem reddit.

18. Præter illa quinque argumenta Jasonis, Fernand. Vasquius in d. tractat. de successionibus tom. 2. qui est de successionum progressu. lib. 3. §. 27 n. 9. etiam adducit l. 2. & 3. de his que in testam. del. ubi testator omnium heredum nomina induxisse proponitur. expressè protestatus, se id ob unius malum meritum facere: & tamen deciditur, non prodesse reliquis cœheredibus innocentiam, quod minus & ipsi hereditatis emolumento excidant: sed sufficere, quod vel propter unius culpam testator voluntatem mutaverit. Quem textum Vasquius pro hac parte elegantem esse dicit, nec se meminisse ait, eum ab alio aliquo allegatum esse. Certè elegans magis est, quàm validus. Ad hanc enim questionem nostram nec pertinet propriè; nec facilem aut justam consequentiam suppeditat: eo, quod in dubio, heredem innocentem, cuius nomen inductum est, ad hereditatem admittat; nisi probeur, testato-

statorem non minùs eum, quàm alterum nocentem, ab hereditate excludere voluisse. [Nos autem hìc quærimus, an testator præsumatur adimere voluisse legatum & præsumtionem sumimus ex inimicitiiis capitalibus aut gravissimis, inter legatarium & testatorem ortis. At dictus textus nec præsumtionem illam insinuat : nec de causa præsumptionis, inimicitiiis nimirum capitalibus aut gravissimis loquitur. Sed & aliud adhuc argumentum pro sententia Jafonis adducit Catell-Cotta, in d. verb. *Inimicitia versic. Quintò ultra præceptorem. Aliud Riminald. in d. pr. 1. de donat. n. 410. versic. Quartò ultra ipsum. Sed leviora ea sunt, quàm ut recitari mereantur.]*

19. Joseph. Mascard in vol. 3. de Probat. sub conclus. 1287. legati revocatio ex quibus inducatur & probetur. n. 145. huic tantæ difficultati mederi voluit distinctione aliquà, quâ pugnantes istæ Dd. sententiæ in concordiam redigantur. Distinguendum, inquit, esse, An legatarius causam inimicitiz à testatore datam acceptaverit, & se ex sua parte inimicum ostenderit : an verò causam eam sive injuriam sibi à testatore illatam, non acceptaverit, sed dissimulaverit, nec inimicitiz aut offensionis indicium præbuerit. [Veluti si Testator rem habuerit cum Uxore] Priore casu Jafonis opinionem, quam & magis communem nominat, locum habere ait : posteriore verò Bartoli opinionem tenendam esse, statuit. Eamque distinctionem, ut consonam æquitati commendat.

20. Hic, si vulgatam Dd. sententiam sequimur, confectam rem habemus : nec facere possumus, quin Mascardi distinctionem pro solidâ decisione hujus Quæstionis controversiz amplectamur. Ajunt enim, ubi dubiæ sunt opiniones, illam sequendam esse, quæ alias conciliat, ad concordiamque reducit : opinionem conciliatricem, in conflictu opinionum adeò amplectendam esse, ut etiam communi sententiæ generaliter loquenti præferenda sit : ut videre est apud Riminald. in d. pr. 1. d. donat. n. 13. & 14. Menoch lib. 2. præsumpt. 71. n. 47. Greævum lib. 2. pract. Conclus. 27. confid. 2. n. 5. & 6. aliosq; complures ab his citatos. Atque adeò ex regulis iis, quas Dd. in jure controverso dijudicando, observandas esse tradunt, hæc videtur omnium certissima esse, quâ dicitur : Per distinctionem opiniones contrarias ad concordiam redigendas esse, & eorum opinionem, qui distinguunt, cæteris præferendam, ut notat Vigelius in rat. legend. jur. controuv. col. 3.

21. Verum, hanc quoque Regulam erroneam esse, rectè prudens terq; ibidem docet Vigelius: Utcunque, inquit, regula hæc omnium certissima videatur; tamen negari non potest, ipsas distinctiones sæpe æquè incertas esse, ac Jus ipsum, cui distinguendo adhibentur: & in hujusmodi distinctionibus sæpè satis constare non potest, quid regulariter, quid per exceptionem verum sit: quod utique non est ignorandum: si certam Jurisprudentiam habere velimus. Ut interim taceam, per hujusmodi distinctiones Jus quodammodò reddi infinitum. Vereor item, ne ex incerto fiat incertius. [Nam apud Gabrielium sæpè videre licet, juris controversi utramq; partem distinguì, hoc modo: si placet hæc opinio, tunc distingue sic: sin illa, tunc ita distingue &c. At videtur absurdum, distinctionibus uti, antequam de regula conveniat: cum distinctio sit Regulæ distinctio. Ideoque si regula incerta est, distinctiones certæ esse nequeunt: Cum accessorium sequatur naturam sui principalis. Hactenus Vigelius.]

22. Hæc certè distinctio Mascardiana, quæ de nunc loquimur cum omnibus istis vitiis, quæ Vigelius notavit, laborat: tum verò etiam ab ipsa regula aberrat. Regula enim, sive traditio Dd. est, de inimicitiiis iisque gravissimis aut capitalibus, inter testatorem & legatarium ortis: distinctio autem est, de non ortis inimicitiiis, sed tantum causâ inimicitiarum præbitarum à testatore, quæ tamen effectum sortita non sit.

23. Videmus itaque, Quæstionem hanc propositam, tam difficilem, scrupulosam, atque arduam visam fuisse: ut non modò Dd. in diversas partes abierint, nec satis discerni possit, utra opinio sit communior: sed etiam ipse Jason, qui Bartoli opinionem certo fundamento destitutam esse agnovit, eamq; tot argumentis impugnavit, ac pro falsa habuit; nihilominus tamen *casum pro amico* esse dixerit, in quo Judex pro lubitu suo, in quam velit partem inclinare, atque amico gratificare possit: & Cotta quamvis Jasonem ut præceptorem suum valde extollat, atque veneretur, nec ad ejus argumenta quicquam ferè aliud respondeat quàm quòd non tacet; (juxta illud D. Augustini: Facile est cuique videri respondisse, qui tacere noluerit.) tamen necessitate, cui etiam Dii pareant, coactus esse videri velit, ut ab ejusdem sententia discessionem faceret: & denique etiam Mascardus non aliter, quàm in distinctionis tam ineptæ & frivolæ latebris, se tutum esse posse

posse existimaret. [Id quod factum ex eo potissimum est, quod l. 16. §. 1. ff. de his quib. ut indign. in quâ sententiâ suâ fundamentum Bartolus posuit, non intuerentur & expenderent diligenter : sed quasi clausis oculis, sopitoque ingenio & iudicio, simpliciter confragosæ & contortæ interpretationi Glossæ adhærent. Ut huc accommodari possit illud Lucretii lib. 2.]

Quid dubitas quin omne sit hoc rationis egestas?

Nam veluti pueri trepidant, atq. omnia cæcis

In tenebris metuunt; sic nos in luce timemus

Interdum, nihilo quæ sunt metuenda.

Et Psalm. 14. v. 5. Trepidaverunt timore, ubi non erat timor, h, e. timuerant, ubi non erat timendum.]

24. Nos, normam Juris & rationem supra ex Vigelio traditam, secuti; simpliciter dicimus: Cum Regula illa certi Juris sit, ob supervenientes inter testatorem & legatarium inimicitias capitales aut gravissimas, legatum intelligi ademptum: nec Exceptio illa, sive distinctio Bartoli, si inimicitia culpa testatoris orta sine, ullâ lege, imò nec ratione ullâ idoneâ, probetur; quin etiam manifestè super fundamento falso irritoque extructa sit; ac præterea etiam non recepta communi Dd. consensu: Exceptionem eam simpliciter rejiciendam; Regulam autem generaliter, ut est, retinendam, ac in judicando consulendoque sequendam esse.

QUÆSTIONUM SIVE CASUUM PRO AMICO

SPECIES III.

An existente suo herede, qui nondum se immiscuit,

curator hereditati tanquam jacenti dari possit: & an eo casu

si quis tanquam contra hereditatem jacentem

agat, succumbat?

i.

DE hac Quæstione ita docuit Baldus. *ad l. cum hereditas. 9. "de deposit. Nota: Glossa dicit, ubi est suus heres, ibi nun-*
G quam

“ quam jacet hereditas : & ideo non potest Curator dari hereditati : & non valet processus factus , tanquam contra hereditatem
 “ jacentem , quia existentia sui heredis , inducit continuationem domini , sine aliquo medio . Quanquam multa argumenta possint
 “ in contrarium adferri , tamen ita dicit Glossa ordinaria , cujus auctoritas omnes alias tollit .

2. De qua doctrina Baldi , non tantum Alexand. Imolenfis in additionib. *ibid.* se multum dubitare profitetur ; sed etiam Paulus Castrensis in interpretatione ejusdem Legis , postquam exposuisset sententiam Baldi , subjicit : Breviter , non puto hoc esse verum : quia propter beneficium abstinendi , quod habet filius in potestate , ex Edicto Prætoris , redigitur ad instar emancipati . *Vi l. nam nec emancipatus. 89. de leg. 1.* sed si esset delata emancipatio , diceret jacere . Ut patet in Glossa , Ergo & nunc . Et sic bene poterit dari Curator , & valebit datio , quicquid dicat Baldus : cujus dictum est potius inutile , quam utile .

3. Jason autem , cum in Rubrica ff. de A. vel A. H. num. 7. Baldi doctrinam probare videatur : in l. in suis. 11. ff. de libb. & possib. n. 10. rem in dubio relinquit , & Casum pro amico esse dicit , sic enim scribit : In suis non est dare hereditatem jacentem : ut est glossa valde notabilis . in l. cum hereditas. 9. C. de pos. quam Baldus ibi multum notat , & ex ea insert ad Practicam , quod si tunc quis ageret contra hereditatem jacentem , succumberet . Nec tunc quis potest dari Curator hereditati jacenti , quia existentia sui heredis , inducit continuationem sine aliquo medio : ut hoc textu , & sequitur etiam Aretinus hic , quod valde nota . Contrarium tamen , quod existentibus suis , possit dari Curator hereditati jacenti , tenent Salicetus & Paulus de Castro , in d. l. cum hereditas . Et esset ratio pro amico .

4. Cæterum , quod non tantum Castrensem , sed etiam Salicetum ut dissentientem allegat Jason : sciendum est , Salicetum non tam dissentire , quam indicatis in utramque partem rationibus , rem in medio relinquere , nec dubium dissolvere : verum hoc solum addere , si casus ejusmodi de facto contingat : ut potest contingere frequenter ; cautelam esse pro Creditore , qui tuto agere , & extrapericulum esse velit , ut suum heredem recte conveniat : quia tum suis

heres, si condemnari nolit, necesse habiturus sit, ut vel abstinentiam alleget, vel certè sese adhuc deliberare dicat, an heres esse, cum effectu scilicet, h. e. hereditati se immiscere velit. Cùm verò deliberare sese dicit, tum uti eum jure suo & beneficio sibi concessio; & posse creditorem facere, ut interim Curator hereditati tanquam jacenti detur.

5. Ex his itaque pater, tum Glossæ, tum aliorum magni nominis Dd auctoritates & opiniones contrarias, & hanc Quæstionem inter valdè dubias, atque tales, in quibus pro utraque parte, in amici favorem, judicari possit, habitam esse.

6. Et certè ne hodiè quidem satis constat, utra pars majore suffragiorum numero comprobata receptave sit. Esi enim affirmativam sententiam, quod scilicet eo casu Curator hereditati tanquam jacenti dari possit, pro communiori habeant, Anton. Piagg. in *tract. de Tutore & Curatore, quest. 2. num. 43.* quem etiam refert & sequitur Hilliger, in *D. E. lib. 3. c. 23. lit. A.* Sichard, in *Commun. ad Cod. in d. l. 9. de pos.* ubi hanc Quæstionem ut pulchram & subtilem laudat, & Baldum errare dicit Menoch, *lib. 2. de arbitr. judic. caus. cas. 150. num. 6. & seqq.* Paulus Montanus, in *tractat. de jure tutelæ, c. 28, num. 57.* Anton Faber, in *tractat. de error. pragmat. decad. 3. error. 2.* Tamen vicissim Negativam pro communiori habere videntur Vasquius in *tractat. de success. tom. 1. qui est de success. creat. lib. 2. §. 19. num. 32.* Foister, in *tractat. de success. lib. 2. c. 8. per tot.* Vivius in *decis. Neapolit. 347. num. 1.* quem refert Gre-væus *lib. 2. pract. conclus. 130. in coronide. num. 3.* ipse rem indecisam in medio relinquens.

7. Nec huic incommodo medetur distinctio illa, inter casum quo de favore sui heredis, & inter casum, quo de ejusdem damno agitur: quam quasi diversarum illarum opinionum conciliatricem ex Natrâ & Paciano adducit Grevæus *d. loc. num. 5. tum*, quia illa distinctio æquè dubia est, ac ipsa Quæstio, ut Grevæus ibid. agnoscit: tum quia non ad hanc Quæstionem specialem, de Curatore hereditati dando, cùm suus heres à Creditoribus convenitur, sed tantum ad quæstionem generalem, an suus heres pro herede habendus, & hereditas pro agnitâ habenda sit, pertinet. Neque potest ullus favor sui heredis agnosci, quando à Creditore paterno con-

venitur; de quâ specie in hac nostrâ quæstione sermo est. Quæritur enim, an, quando Creditores hereditarii convenire volunt suum heredem, qui nondum sese immiscuisse deprehenditur, hereditas pro jacente habenda, & Curator ei dandus sit, qui Creditorum actiones excipiat?

8. Ex hac igitur tantâ dubitatione & controversiâ ut rectè nos expediamus; nosse debemus, Jure Cui suos heredes, sive ex testamento, sive ab intestato, ita heredes esse, ut non ullo aliquo suo facto opus habeant, ut heredes fiant: sed protinus à morte parentum, in quorum morientium potestate fuerunt, ipso jure sint heredes, & clausis adhuc testamenti tabulis, etiam ignorantes & inviti: ita, ut non possint non esse heredes: propter quam causam etiam appellantur heredes sui & necessarii, ut notum est ex ipsis institutionibus. § sui autem 2. de hered. qual. & diff. & § sui autem. 3. de hered. que ab intest. defer. cum quibus locis concordat l. in suis. 11. ff. de liber. & posthum. l. in sua. 14. ff. de sua & legitim. her. l. 3. C. de jur. de lib. cum locis similibus.

9. Quoniam verò id sæpenumerò, cum damno atque etiam cum ignominia quadam liberorum conjunctum erat: Jure Prætorio introductum est, Jus abstinendi: ut liceret liberis si vellent, hereditatem Patris derelinquere. sive ab eâ abstinere; ut sic potius Parentis, quàm ipsorum bona à Creditoribus possiderentur. d. §. 2. vers. sed his Prætor. l. de hered. qual. & diff. l. necessariis. § 7. ff. de A. vel. O. H. Neque ad hanc abstentionem opus habent ullâ testificatione, sive judiciali, sive extrajudiciali: sed sufficit, si se non immisceant hereditati Paternæ, h. e. dum non gerant tale aliquod negotium, quod in extraneo herede induceret pro herede gestionem. l. ei qui se 12. de A. vel O. H. l. 1. C. si min. ab hered. se abstin. licet majoris securitatis causâ, testatio & possit, & soleat adhiberi. l. pro here. de 20. §. 1. d. 1. de A. vel O. H. l. & si quis. 14. §. plerique filii. 8. ff. de Relig. & sumtib. fun.

10. Hæc autem abstentio etsi non faciat, ut non sint heredes l. 1. §. qui sunt in potestate. 7. ff. si quis omis. caus. testam. l. cum quasi 30 §. sed etsi. 10 ff. de fideicom. libertas. l. ita tamen 27. §. si Pater. 3 ff. ad Sc. Trebell. l. sciendum est. 32. ff. de manum. testam. cum, qui semel heres extitit, non possit desinere heres esse. l. ait Prætor. 7.

Species Tertia.

51

§. 10. ff. de Minorib. l. ei qui solvendo. 38. in fin. ff. de hered. Instit. sicut neque facere heredem potest. Prætor. §. quos autem. 1. l. de bon. Possess. Facit tamen ut sine effectu, nudo tantum nomine sint heredes. l. 2. §. sed si sint sui 8. ff. ad SC. Tertul. & si ex modica. 6. §. filius 2. de Bonis lib. & Jure Prætorio heredum loco non habentur. l. si filius. 2. ff. de interrogat. in jur. fac. & idem consequantur, quod emancipati, qui hereditatem repudiaverunt. l. pro hered. 20. §. pen. ff. de acqu. vel om. hered. Sicut & ipsa permissione abstentionis, Prætor manifestum facit, jus se in personâ eorum, qui in potestate fuerint, tribuere, quod futurum esset, si liberum arbitrium adeundæ hereditatis habuissent. l. Nam nec emancipatur. 89 de legat. 1. Undè etiam fit, ut si se immisceant, adire videantur & dicantur, l. si duo. 38. ff. d. r. de A. vel O. H. 1. si filius. 10. ff. de Collation. l. 4. C. de Instit. & substitut l. ult. C. de repud. vel abst. hered. & Jus deliberandi ipsis competat, antequam sese immiscuerint; quod propriè quidem & respectu Juris Civilis est, deliberare, an hereditatem paternam retinere, an verò derelinquere; Impropriè verò & ratione Juris Prætorii, an adire, an verò repudiare hereditatem velit l. 8. l. 9. ff. de jur. deliber. l. cum in antiquioribus. 19. C. eod. tit.

11. Quibus ita probè consideratis, intelligitur in casu existentis sui heredis, propriè quidem nunquam posse dici, hereditatem jacere, vel vacantem esse, adeoque nec Curatorem hereditati et tanquam jacenti dari posse: eumque qui præcisè contra hereditatem, ut jacentem agat, succumbere debere. At verò *impropriè* & laxius, ad effectum magis, quam ad ipsam ἀνεξέταση & accuratam loquendi rationem, si verba referamus, nihil prohibere, quo minùs etiam in casu existentis sui heredis, dum is deliberat, an abstinere, an verò retinere hereditatem paternam velit, aut certè, quamdiu nondum se immiscuit, hereditas paterna pro jacente hereditate habeatur, & jacens appelletur: adeoque & Curator hereditati ei, interim, dum suus heres deliberaverit, voluntatemque suam declaraverit, detur: Sicut dari solet interim, dum extraneus heres deliberat, velit ne adire hereditatem, nec ne l. 3. ff. de Curat. furios. l. Idem. 22. §. 1. ff. de reb. auct. Jud. possid. quæ aliàs est l. 7. de Privileg. Credit. Quibus addi possunt, quæ de Curatore hereditati jacenti dando,

G 3

tradit

tradit Gail. lib. 2. Obs. 130. per tot. & de ipsa existentia heredis. Obs. 128. per tot.

12. Et de hac quidem decisione. tantò minus dubitationis aut controversiæ debebat esse apud Dd. quòd uno quasi ore tradunt, in hoc casu existentis sui heredis, cùm Creditores intendere actiones volunt, non incumbere filio probationem abstentionis, seu quòd heres non sit: sed Creditoribus probationem immisionis, seu quòd heres ille sit, ut videre est apud Interpretes communiter. in l. necessariis. 57. ff. de A. vel O. H. Castrensem. in l. sicum dotem. 22. §. transgrediamur. 12. n. 3. ff. solut. matrim. Mantica, in tract. de interpretat. ult. volunt. lib. 12. c. 10. n. 2. Gail. lib. 2. Obs. 128. per tot. Tiraquell. in tract. le mort. saist le vif. part. 7. declar. 2. n. 8. Everhard. in Topie. in loco, ab auctoritate. n. 9. Mascard. de probat. conclus. 805. n. 1. & seqq. Menoch. lib. 4. de presumpt. 99. n. 4. & 5. Greævum lib. 2. pract. conclus. 128. per tot. à quibus & plures auctores alii citantur. Unde A. Faber hanc sententiam non modò communiter, ab Interpretibus probatam, sed etiam apud Pragmaticos passim receptissimam esse dicit, in tract. de Error Pragm. dec. 31. error. 10 (quamvis ipse ibidem dissentiat;) vid. & Modestini. lib. 1. quest. 34.

13. Param igitur sibi constant, qui cùm in eà Quæstione rationem Juris Civilis & æquæ & iustitiæ planè negligunt, in hac nostrà Quæstione eam severè aut sollicitè urgent.

14. Præterea, cùm & illud magno consensu apud Pragmaticos receptum sit, verba libelli non strictè aut rigidè, sed potius laxè & benignè interpretanda, atque etiam, ut loquuntur, improprianda esse, si propriè accipi non possint, ut libellus salvetur: quod rationibus, auctoritatibus, & exemplis multis probant ac declarant, Jason. in l. sed et si Possessori. 11. §. item, si juravero. n. 15. & multa seqq. ff. de iur. jur. & Zas. in d. l. §. n. 9. & seqq. quibus addantur Myning. cent. 4. Obs. 5. Gail. lib. 1. Obs. 61. n. 16. & Obs. 66. n. 7. Obrechtus in tractat. de concipiend. & formand libell. c. 18. n. 5. & 6 Quomodò iacturà litis multare possunt eum, qui hereditatem jacentem appellavit, qui adversus hereditatem, ut jacentem egit, quæ hæredem non habeat realiter, & cum effectu; imò, ne quidem propriè, ut Gail. loquitur, d. Obs. 128. n. 4. & 5. cùm filium ante aditionem impropriè? heredem esse dicit: propriè autem eum demùm, qui non tantùm nomine, sed etiam re & cum effectu heres est.

15. Concludendum itaque hac in Quæstione est : *Causam* nullam esse, cur in eâ incerti fluctuare, & *Casum pro Amico* statuere debeamus : sed potius in casu existentis sui heredis, qui deliberat, & nondum se immiscuit hereditati, hereditatem quasi jacentem, sive pro jacente habendam esse : & quasi jacenti Curatorem dari posse : & qui contra eam, ut jacentem, actiones intentaverit, non propterea causâ cadere. Denique supervacaneam, nec vel probatam satis, vel valdè subtilem esse distinctionem Ant. Fabri, quòd hoc casu curator non detur hereditati, sed bonis, in *trac. de error. pragmat. decad. 3. err. 2. & in Cod. Fabiano, lib. 6. tit. 12. defin. 15.*

QUÆSTIONUM SIVE CASUUM

PRO AMICO

SPECIES. IV.

An, si quis in libello dicat, proprietatem alicujus

loci ad se spectare, vel se proprietarium esse, & postea in processu probet tantum, quod sit Emphyteuta vel Vassallus, debeat succumbere?

I.

Quæ sub finem cap. præcedentis diximus, de verbis libelli benignè & latè, atque etiam, si necesse sit, improprie accipiendis, ut libellus sustineatur; occasionem nobis præbent, ad hanc, quam modo proposuimus Quæstionem, statim subjiciendam : ut quæ ex eadem doctrina, ut ejus species seu exemplum, decidenda est : vel certè, ut Jasoni visum est, ab eadem sive ut exceptio, sive ut diversa & disparata excipienda.

2. De hac autem Quæstione inter alia sic scribit Jason. in *l. naturaliter. 12. §. nihil commune. 3. ff. de A. vel A. P. n. 16. 17. & 18.* Adduco in medium illud, quod singulariter deiecit Baldus, nec alibi legi, in *l. 2. supr. ff. de condit. inst.* Quod si aliquis in libello diceret, pro proprietatem talis loci ad se spectare, vel se esse proprietarium, & postea in processu probaret de utili dominio, puta, quòd esset Emphyteuta, vel Vassallus, deberet succumbere : quòd non est reperire, nisi pro proprietatem directam. *l. si tibi proprietas. 4. ff. de usufruct. accrescend. se. 1.* *si dixisset se dominum : quia dominium bene potest intelligi de utili*

“ utili dominio, [secundum Bartolum in *l. sed etsi Possessori* §. item
 “ *si juravero* per illum textum sup. *de jurejur.* & ita limita ibi dicta
 “ per eum.] Adde quod alibi contrarium tenet Dn. Alexander, nullam
 “ faciens de Baldo mentionem.] in *l. si finita*. 15. §. *si de vestigalibus*,
 “ 26. in 2. columna, sup. *de damn. infest.* ubi tenet, quod si Emphyteuta
 “ vel alius habens utile dominium, peteret in libello, declarari se pro-
 “ prietarium, vel proprietatem ad se spectare, & ex narratis in libello,
 “ appareret, quod ageret, ut Emphyteuta, sustineretur libellus, & im-
 “ propriarentur verba libelli: trahendo ea ad utile dominium; cum
 “ videamus, quod proprietatem largi referatur etiam ad solam possessio-
 “ nem. *l. interdum*. 78. inf. *de V. S.* & *l. 2. C. de Probat.* Alibi idem Dn.
 “ Alexander, in *l. si quis*. 12. §. *differentia*, in ult. colum. sup. eod. facit
 “ mentionem de decisione Baldi, in *d. l. 2. supra de condit. instir.* & dubi-
 “ tat, an sit vera, & dicit considerandum: quod textus junctâ Glosâ
 “ in *d. l. interdum*, inf. *de V. S.* videtur accipere pro æquipollentibus,
 “ proprietatem & dominium, sed in libello latè accipitur dominium
 “ pro utili: ut sustineatur libellus. E. idem in proprietate. Tamen di-
 “ cit, quod magna est autoritas Baldi, ubi non habet contradictorem,
 “ & quod ejus decisionem alibi non reperies. Credo, quod hic passus
 “ sit valdè ambiguus, & si contingeret in practica, esset *Quæstio pro*
 “ *amico*. [Et nota, quod si vera est illa decisio Baldi, ex ea habes
 “ magnam limitationem, ad ea, quæ latè dixi post Bartolum, pro su-
 “ stinendis libellis, in *d. §. item si juravero*. &c. Hactenus Jalon.]

3 Idem autem in *l. sed etsi Possessori*. 11. §. item *si juravero*. n. 26.
 & 27. ff. *de jurejur.* [Quò sese in loco supra proposito refert.] ita
 “ hac de Quæstione inter alia scribit. Non omitto unum, in quantum
 “ Bartolus & Dd. hic concludunt, quod si Emphyteuta dicat, se esse do-
 “ minum, licet intelligatur de directo regulariter: appellatione tamen
 “ ad hoc, ut sustineatur libellus, intelligitur de utili. Invenio quod Bal-
 “ dus in *l. 2. ff. de condit. instir.* singulariter limitat istam decisionem, ut
 “ procedat, quando Emphyteuta in libello dicit, se *Dominum* sim-
 “ pliciter: secus autem si diceret se proprietarium: tunc secundum
 “ Baldum debet succumbere, quod non est reperire proprietatem, nisi
 “ directam, allegat. *l. si tibi proprietat. ff. de usufruct. accrescendo*. Con-
 “ firmatur ista decisio per illud, quod dicit Baldus in *l. cum res*. 12. in
 “ fin. *C. de Probation.* (ubi etiam adducit *l. 1. §. 1. ff. si ager vestigalis* in
 “ quo

quo tamen proprietatis verbum non habetur.) & in l. pen. C. si à non
compet. Judic. ubi dicit, quod istud nomen proprietatis est directum,
 & nunquam obliquatur, nec ponitur pro utilit. dominio, & ultra Bal-
 dum istud confirmatur ex Etymologia vocabuli. Proprietas enim
 est, res propriè tua: & nisi res sit propriè tua, non dicitur Proprie-
 tas. Ego puto, quod etiam isto casu sustineretur libellus. Quia ita est
 reperire proprietatem & quasi; sicut dominium & quasi; [Glos-
 sa est in l. 2. §. quadam. 2. ff. de interditi. quam reputat singularem
 Baldus in c. 1. §. 1. de Investitura de re alien. facta. & ibi Alvarottus
 notat illam Glossam.] Sed est textus ad litteram in cap. fin. de ju-
 dic. Ergo, si Emphyteuta dicat se Proprietarium, intelligitur largè.

4. Ex quibus duobus locis observatur. 1. Quod Jafon,
 cum prius sententiam Baldi reprobasset, in d. l. 11. ff. de Jurjur.
 postea in d. l. 12. ff. de A. vel A. P. eandem reprobare ausus non
 fuerit: sed Casum pro Amico esse dixerit. Id, quod tantò magis
 mirum videri debet: quia priori loco non citavit Alexandrum à Bal-
 do dissentientem, & forsitan etiam ignoravit: posteriore verò ex-
 pressè citavit: Itaq; ex communi Dd. sententiâ, in priore illo loco
 Baldum sequi, posteriore verò potiùs ab eo discedere debuit. Nam
 ut in prolegomenis harum Quæstionum diximus; tradunt Dd.
 communiter; Quod in casibus nullâ lege expressim decisis, si vel
 unus Doctoris decisio in terminis reperitur, quæ contradictorem
 non habeat, ea instar legis sit, & in judicando respondendoque se-
 quenda. 2. Notandum; quòd ipsi quoque Alexandro hæc quæstio
 valdè dubia atque difficilis visa fuerit: ita, ut profiteretur se dubita-
 re, an Baldi sententia vera sit: & considerandam eam relinqueret.
 3. Notandum; Causam, propter quam hæc Quæstio tantæ difficul-
 tatis & ambiguitatis habeatur, & consideranda relinquatur ab Ale-
 xandro, Casus pro amico etiam statuatur à Jafone, non esse aliam
 Alexandro, quàm Baldi auctoritatem: nec aliam Jafoni, quàm di-
 versas opiniones Dd. vel potiùs solius Baldi affirmationem, & so-
 lius Alexandri negationem. 4. Notandum; Jafonem indicare qui-
 dem, quibus & ille. & hic rationibus sive fundamentis utantur:
 sed ipsas rationes atque fundamenta non examinare; nec iudicium
 suum interponere, rectè ne, an malè in confirmationem adhibeatur.
 5. Notandum; Rationes illas atque fundamenta, quibus & Baldus

pro affirmativâ, & Alexander pro negativâ sententia utitur, pariter nullius ponderis momentique esse.

5. Nam quod *ad l. si tibi proprietas 4. ff. de usufruct. accresc.* attinet, quâ solâ Baldus in *d. l. 2. ff. de condit. institut.* utitur : In eâ quidem proprietatis vocabulum directum dominium, quod vocant, significat : indeque patet, id verbum de directo dominio intelligi posse : at, quod nullus alius ejus verbi usus sit, & in specie, quod eo ubique & semper directum dominium significetur ; sive ut Baldus loquitur, quod non sit reperire, nisi proprietatem directam : id ex eâ lege nullo modo probari potest : [Nisi quis forsan pro apodicticâ demonstratione habeat ratiocinationem hanc : Proprietatis vocabul. in *d. l. 4.* significat directum dominium : E. nunquam & nusquam aliter, quàm pro directo dominio ea vox accipitur.]

6. Nec meliora sunt, quæ alibi hanc in sententiam adfert Idem Baldus : veluti, quod in *l. cum res. 12. in fin. C. de Probat.* adducit *l. 1. §. 1. ff. si ager vestigal.* in quâ tamen ipsa vox proprietatis, aut proprii, prorsus non extat, & quod in *l. penult. C. si è non compet. jud. judic.* idè vocabulum proprietatis tantum esse directum, dicit : Quia proprium dicatur, quod est meum, & non alterius. In quo certè nulla consequentiæ ratio est : Quicquid enim meum est, id eâ ratione, quâ meum est, non est alterius : sive sit proprietas vel directum dominium, sive dominium utile : sicut non tantum res corporales dicuntur meæ, aut nostræ, sed etiam res incorporales, veluti usufructus in *l. 10. ff. usufruct. quemadm. cav. l. si cum argentum. 21. § si fundum. 3. ff. de except. rei judic.* imò, & ferè quævis res aliz ; ut cum filios, fratres, discipulos, amicos nostros appellamus.

7. Sicut & nihilò melius est, quod pro Baldo Jason ex Etymologiâ desumit argumentum, in *l. 11. §. item si juravero. ff. de Jur. jur.* quod scilicet proprietas dicatur, quasi propriè tua. Nam primum, ipsum illud etymon manifestè falsum est, cum illud *tas* tantum sit productio nominis simplicis, & non pars altera nominis compositi, quasi ex proprio & *tus*, combinatum esset, adeoque emphasin ac significationem singularem præcipuè alicujus proprietatis, atque dominii, haberet. Deindè, in ipsâ quoque voce *proprie*, principium petitur ; & probandum prius erat, tam strictam significationem eidem necessariò inesse,

8. Pari facilitate refutari etiam rejicique possunt, quæ pro Alexandri sententiâ ab eodem, & Jafone adducuntur. Nam quod Alexander ait, proprietatis vocabulo aliquando etiam solam possessionem significari; in *l. interdum. 78. ff. de V. S. & in l. 2. C. de Probat.* ac propterea multò magis de utili dominio accipi posse; Id ex dictis legibus nullo modo probatur. Ipsa autem constructio Grammatica & observatio casuum evincit, in *d. l. 78.* non proprietatis verbo possessionem, sed possessionis verbo, proprietatem aliquando significari: Ait enim Lex: *Interdum proprietatem quoque verbum possessionis significat.* Quòd Alexander malè accipit pro eo ac si dictum esset, *Interdum proprietas quoque possessionem significat; sive, interdum proprietatis quoque verbum, possessionem significat.* Quòd si quis instet, Alexandrum non sensum hunc Grammaticum *d. l.* urgere, sed dialecticè pronunciatum illud Legis, per simplicem conversionem, quæ in particularibus affirmativis locum habet, assumere: ei respondebitur, quòd, hic non tantum transformantur, sed & mutantur termini, per diversam compositionem & divisionem: adeoque hoc non sit convertere pronunciatum, sed arguementari, & aliud ex alio, eoque non æquipollente inferri, si dicatur: *Possessionis verbum, interdum significat proprietatem.* Ergò etiam *proprietatis verbum, interdum significat possessionem.* Conversio autem pronunciativæ erit, si dicatur, *Possessionis verbum interdum significat proprietatem.* Ergò, interdum id, quod proprietatem significat, est possessionis verbum, vel, quædam possessio significat proprietatem. Ergò, quoddam, quo proprietas significatur, est possessio.

9. In *d. verò l. 2. C. de Probat.* verbum proprietatis omnino non extat: sed tantum verbum Possessionum; quod ibi pro ipsis rebus possessis, sive prædiis accipitur: ut & in *l. si de vi. 37. ff. de Judic. l. 11. C. de omni agro deserto. l. 2. in f. C. ubi in rem act. l. 1. C. de coloniâ Palestinis. l. ult. C. de postlimin. reverf.*

10. [Quòd deinde Alexander ait, Glossam in *d. l. 78. de V. S.* pro æquipollentibus videri accipere, proprietatem & dominium: id & per se incertum est: nec ex verbis Glossæ evinci potest: & si maxime posset, probandum tamen adhuc esset, rectene, an malè Glossa sic statueret. Nam vehementer adhuc inter Dd. controver-

titur, An dominium idem sit, quod proprietas: ut videre est apud Joh. Parladorium *lib. 1. rer. quotidian. cap. 4. per tot.* Gregorium Lopezium, *in lib. singul. animadver. Jur. cap. 26. per tot.* & potissimum apud Johann. de Castillo, *in tractat. de Usufruct. cap. 75. per tot.* Ut nihil nunc dicamus de eo, quod per ingentem principii petitionem præsupponitur tanquam certum, quod omnino incertum est: nimirum, Dominii vocabulum generale esse, & dividi in dominium directum, & utile. Id enim, licet communiter receptum, nullum tamen in Jure nostro fundamentum habet: ut docuit Clariss. Antecessor noster, *in quæst. illustrib. ad lib. 2. l. qu. 1. & in C. l. A. lib. 41. tit. 1. lb. 3. & 4.*

11. Denique, quod Jason, *in d. l. 11. §. item si juravero. n. 27.* auctoritate Glossæ & Juris Canonici, confirmare notatur, aliam esse proprietatem directam sive veram, aliam quasi proprietatem: ei responderi potest: Nequaquam ex istis authoribus de verâ & genuinâ verborum significatione judicandum, ut quibus sermo Juris Civilis Populi Romani fuerit incognitus, ut Cujac. inquit, *in lib. 22. obs. 16. & in Paulo lib. 11. ad Edict. in l. 23. ff. de Minor.* ac proinde testimonium illud, non satis magnæ authoritatis esse.]

12. Ex quibus omnibus intelligimus, neutram sententiam solidis rationibus atque fundamentis ab authoribus & approbatoribus suis stabiliri.

13. Nec tamen opus est, ut circa decisionem hujus. Quæstionis, modò hanc, modò illam in partem abripiamur, & casum pro amico statuamus.

14. Nam, aut περὶ τὸ πρᾶγμα καὶ τὴν ἀλήθειαν, respondendum est, secundum ipsum nostrum Jus Civile aut περὶ τῶν ἰερῶν, sive τῶν ἀνθρώπων, secundum hypotheses Interpretum atque Pragmaticorum.

15. Priore casu affirmativa sententia haud dubiè verissima est: Eum, qui proprietatem rei ad se pertinere, seque proprietarium declarari petierit, cum tantum Emphyteuta, aut Vassallus esset; libellum ineptum proponere, si id in libello exprimat: aut certè intentionem suam non probare. si proprietate ad probandum proposita, ipse Emphyteusin aut Feudum probaret: cum omnibus Juris nostri locis perspectis, nullus appareat, in quo proprietatis vocabu-

lum,

lum, cum de dominio aut jure, quod in rebus corporalibus, quorum cominerium est, queritur, de alio, quàm directo (quod vocant) dominio, accipitur.

16. Posteriori verò casu, causa nulla est, cur non secundum sententiam negativam respondendum judicandumque sit. Recepta enim apud hos sententia est, pro salvando libello, verba ejusdem largè, atque etiam improprie, si opus sit, accipienda esse. Atque verbum *proprietas* in larga atque impropria significatione, etiam Jus emphyteusis & feudi; & alia ejusmodi jura incorporalia, sub ambitu suo continere, ut negent, rationem nullam habent idoneam: cum *dominii* verbo, sine ullo Juris fundamento solido, imò, Jure nostro planè repugnante, tantam amplitudinem assignaverint, ut id in directum & utile, quasi unanimi consensu dividi statuant. Quam amplitudinem longè faciliùs admiserit ipsum nomen *Proprietatis*: tum ex vulgi, tum ex ipsorum quoque Juris nostri auctorum usus quibus proprii, & Proprietatis nomen, non semper dominii cogitationem importat. Nam & liberti dicuntur proprii, in l. 13. § 1. ff. de oper. libert. 3. C. de hered. insti., cum tamen liberti ipsi, ut homines liberi, in nullius dominio esse possint. Sic feneratores proprii, & navis propria. l. fenerator. 6. ff. de Naut. fan. propria Lex. l. 21 § fin ff. ad Municipal. propria causa. l. 1. §. 11 quand appelland. venditor proprius. l. 10. ff. de Act. Empt. Ususfructus proprius. l. 10. ff. de usufructuar. quemad. cav. & hujus generis alia, quæ videri possunt apud Brisson. lib. 14. de V. S. Sicut etiam proprietas operarum officialium, l. 9. §. 1. ff. de oper. libert. & proprietas reddituum. l. 14. §. ult. C. de SS. Eccles. nisi forsàn hoc ultimo in loco dominium sive proprietas fructuum perceptorum intelligenda est.

17. Denique, ut proprietas alia sit vera, alia quasi, tantis am Authoribus receptum stabilitumque est quantis pragmatici isti impares sunt, nec opponere sese solent: nimirum auctoritate Glossæ Juris Civilis, in l. 2. §. quadam. 2. de interdict. & Juris Canonici, in c. fin. Extr. de Judic. Ipse enim Baldus, qui contrariam sententiam hic tuetur, in capite proximè præcedente professus est, Glossæ auctoritatem omnes alias auctoritates superare. Idque tantò magis, quod & alias in genere, verba non ex sua natura, sed ex hominum instituto, sive impositione, significationem habeant,

ut Aristoteles docet, & perindè, ut nummorum valor, crescant ac decrescant, nascentur & intereant, ut Plutarchus in *lib. de Pythia oraculù*, insinuat: adeoque arbitrium, & Jus, & norma loquendi penes ipsum sit, ut Horat. in *libr. de arte Poëtica* monet, & verò circa Juris vocabula, frequens sit ejus verborum significationis mutatio: ut exemplo verbi, Consanguineorum, & verbi, Nepotis, & verbi, Testamentarii, & verbi Solennitatis, ostendimus in *tract. de Codicill. & claus. Codicillar.* quibus addi possunt etiam exemplum verbi, Procuratoris, & verbi, Dominii, quomodo diximus.

QUÆSTIONUM SIVE CASUUM PRO AMICO

SPECIES. V.

An, si communio duraverit annos triginta, possit unus sociorum, altero vel aliis invitis, ad divisionem provocare? sive, an actio familia eriscunda, & actio communi dividundo, quatenus ad divisionem rerum communiter possessorum tendunt, post triginta annorum lapsum, sive tricenariam communionem, adhuc competant?

I.

Quæstionem hanc inter *Casus pro Amico* nominatim refert Zasius, in *§. Quadam actiones mixtam*, 20. *Inst. de action. n. 11. bi verbi*: Quæras ergò, quid, si duo coheredes per triginta annos in communione steterè, ita, quòd non diviserunt, an nihilominus post triginta annos, possint dividere, & à communione recedere: vel, an cogantur in communione esse innexi & colligati, Quid diceretis vos? Nodus hic est implicitus, & esset *questio pro amico*, quia utraque pars videretur defendi posse. &c. Deinde, post.

postquam diversas diversorum, imò etiam eorundem. [Nam Baldus sibi contrarius: & Jason vacillat.] Dd. sententias, atque etiam rationes & fundamenta in utramque partem adduxisset: & pro sententia affirmativa conclusisset: subjicit tandem, sub fin. *num. 13.* Hæc quæstio posset esse circularis, vel in repetitionibus tractari ¹⁶ egregiè & cum laude.

2. Pro sententiâ Negativa potissimum, vel potius unice militat textus, in *l. 1. §. 1. C. de Annal. except.* ubi Justinianus non tantum in genere omnes actiones personales, triginta annorum spatii concludi jubet: sed etiam nominatim, & in specie de familiæ erciscundæ & communi dividundo actionibus edicit; ut nemo audeat, earum vitam longiorem esse, triginta annis, interpretari: sed ex quo ab initio competierunt, & semel natæ sunt, intra memoratum tempus finiri vult.

3. Ex Affirmante verò parte præcipuè stant, textus in *l. ult. Cod. Comm. divid.* quod in communione vel societate, nemo compellatur invitus detineri. & in *l. in hoc judicium. 14. §. si conveniat. 2. ff. d. t.* Quod si conveniat, ne omnino divisio fiat, hujusmodi pactum nullas omnino vires habere, manifestissimum sit. & in *l. Nulla. 70. ff. pro Socio.* quod nulla societatis in æternum coitio sit. Ex quibus duabus legibus posterioribus faciliè est colligere: si Lex ipsam hominum conventionem de communione perpetua improbat, non ipsâ lege, eam perpetuitatem, ob solum temporis lapsum, induci; quæ tamen induceretur, si propter triginta annorum decursum, quibus communio duraverit, non liceret divisionem petere, sed in communione permanendum esset: [sive, si actioni familiæ erciscundæ & communi dividundo, quatenus ad solvendam communionem agitur, triginta annis præscriberetur.] Denique textus in *l. cum Pater. 77. §. dulcis finis. 20. ff. de legat. 2.* quod discordias materia communis soleat excitare. Atqui, discordiis tollendis, non augendis, præscriptiones actionum perinde, ut usucapiones rerum, introductas esse constat.

4. Ad textum autem *d. l. 1. §. 1. C. de annal. Except.* qui contrariæ sententiæ fundamentum est, responderi potest, intelligendum eum esse, de terminis habilibus: puta, de præstationibus personarum libus,

libus, quarum petitio triginta annis intermissa, denegetur: vel etiam de ipsa divisione rerum, si actor tanto tempore caruerit possessione; & solus reus possederit.

5. Sanè, donec stamus in possessione, & possidemus simul, unus recognoscat alterum in socium, eoque præscriptio currere non potest: cum singulis pro indiviso possidentibus, fieri non possit, ut alter alterius partem usucapiat. Quinimò, nec eo respectu, quo ex quasi contractu hæ actiones esse dicuntur, tricennalis præscriptio eis ob stare potest: nisi ratione earum personalium præstationum, quæ ante 30. annos deberi cœperunt. Quoniam in communione rerum est quidem quasi Contractus continuus: & singulis quodammodò momentis actio nasci videtur: quoniam sæpius percipiuntur fructus, sæpius culpa socii intervenire potest: ex quibus hic quasi contractus constituitur, & nascitur actio in personam.

6. Qua de re plura videri possunt, tum apud Dd. communiter, in primis verò, apud Jasonem, Zasium, & Schneidew. *ad d. 5. quædam actiones mixtam.* 20. l. *de Action.* ut & apud eundem Zasium, *in parat. ff. famil. ercisc. n. 4. & 5.* tum apud Bachov. *in not. & animadv. ad Treutl. vol. 1. disp. 19. tb. 8. sub. lit. A. & B.* ubi affirmativa sententia & rationibus idoneis confirmatur, & communis esse, ostenditur: ut ita causa nulla sit, cur hac in Quæstione casum pro amico statuamus, in qua & Jctus salvâ conscientia, modo in affirmativam, modò in negativam sententiam consulere, sive respondere possit, prout expedire sibi putaverit: & Judici liceat modò secundum hanc, modò secundum illam partem pronunciare, prout hanc aut illam amicus ejus, cui gratificari ipse velit, teneat. Idque tanto minus, quia inter ipsos Dd. quasi recepta quædam sententia est: Ea, quæ meræ facultatis sive liberi arbitrii sunt, nulla præscriptione impediri aut tolli posse; ut videre est apud Cravett. *in tractat. de antiq. temp. in quartâ parte, quinta partu principalis. qv. 1. per tot.* Anton. Gabrielium, *in Commun. Conclus. sub tit. de præscription. Conclus. 10. 11. & 12. per tot.* in quorum numero etiam esse jus provocandi ad divisionem rerum simul possessarum, non potuit dubitari magis, quàm de aliis, quæ communi consensu inter res potius facultatis referunt. [Quo etiam argumento, Zasius inter alia

alia *ad loca*, utitur, & inter exempla eorum, quæ liberi arbitrii sunt, etiam expressè refert idem Gabriellus *d. conclus. 12. n. 3*]

QUÆSTIONUM SIVE CASUUM PRO AMICO

SPECIES VI.

*An jure adivisse & acquisivisse hereditatem dis-
cendus sit, qui professus est, se aliquid fecisse ut heredem : nec tamen
declaravit, se scire aut scivisse, quod is, cujus here-
ditatem adiit, sit mortuus?*

1

IN adeunda atque acquirenda hereditate, requiri, ut & revera mortuus sit is, cujus hereditatem adire volumus, & mortuus esse sciatur ab eo, qui ejus hereditatem adire aut bonorum possessionem petere vult, pluribus Juris nostri locis, inculcatur : veluti in *l. qui hereditatem. 19. ff. de acq. vel. amitt. hered.* Qui hereditatem adire vel bonorum possessionem petere volet, certus esse debet, defunctum esse testatorem. *U in l. heres. 32. pr. d. 1.* Heres institutus, si putet testatorem vivere, quamvis jam defunctus sit, adire hereditatem non potest. *U in l. 4. C. de postlim. revers.* Nec nos præterit, hereditatem ejus, quam incognitum erat, ab hostibus interceptam, an captam esse, a filio adiri non potuisse : quoniam eorum bona, qui in hostium potestatem radiguntur, eo demum tempore, successionis jure acquiri possunt, cum captos, apud hostes mortuos esse, cognoscitur. Nec super facultatibus ejus, cujus incerta vita, ac fortuna fuit, transigi vel judicari potuit. Unde, posteaquam apud hostes materteram vestram, fati munus implexisse innotuit, tunc vobis

1

“ vobis licentia permittitur, agnoscendæ per bonorum posses-
 “ sionem, successionis. [Non officientibus enim his, quæ per-
 “ peram gesta sunt, si priorem gradum obtinetis, successionis
 “ compendium ad vós pertinet.] Et in § ult. l. de hered.
 “ qual. & differ. dummodò sciat, Eum, in cuius bonis pro he-
 “ rede gerit, testatum intestatumve obiisse, & se ei heredem
 “ esse.

2. Idemque etiam Juris esse in hereditate repudiandâ, &
 amittendâ, traditur in l. *is qui heres*. 13. §. 1. ff. de acq. vel omitt.
 „ hered. Si quis dubitet, vivat testator, nec ne, repudiando
 „ nihil agit. Eadem enim repudiationis, quæ aditionis condi-
 tio est, & contra l. *is potest*. 8. l. *si quis extraneus*, 21, §. *sed ita*. 2. d. t.
 Ratio hujus Juris est: quòd non solum nulla hereditas, heres-
 que nullus, hominis viventis esse possit. l. 1. ff. de hered. vel act.
 vend. l. 1. ff. pro hered. ut meritò post Labeonem, Pomponius, in
 “ l. *neminem*, 27. de A. vel O. H. tradiderit: Neminem pro here-
 “ de gerere posse vivo eo, cuius in bonis gerendum est. Sed
 etiam in adeunda repudiandave hereditate, certus esse de jure
 suo, debeat, qui eam adire, aut repudiare, adeoque acquirere
 aut omittere vult. l. *nec is*. 17. in pr. l. in repudianda. 23. d. A. vel
 O. H. Nam, in totum omnia, quæ animi destinatione agenda
 sunt, (in quorum numero etiam est hereditatis aditio l. *pro he-*
rede 20. in pr. l. *gerit*. 88. d. t. l. *si avia*. 6. C. de Jur. deliber. §. ult.
 l. de her. qual. & differ.) non, nisi verâ & certâ scientia perfici pos-
 sunt, l. in totum. 76. de R. l.

3. Cæterum, cum casus benè multi existere possint, in
 quibus dubitatur, an is, de cuius hereditate acquirendâ agitur,
 reverà mortuus sit, nec ne: varii modi atque, argumenta à Dd.
 traduntur, quibus mors alicujus probatur: ut videre est cumprimis
 apud Joseph. Mascard in tract. de probat. conclus. 1075. &
 iuris seqq. Robertum Marantam, in repetit. l. *is potest*. 18. de
 acquir. hered. num. 155. & multi seqq. & Jacob. Menoch. in re-
 med. 4. adipiscenda possessionis. num. 671. seqq. & in tract. de
 presumpt. lib. 6. presumpt. 49. n. 20. & seqq. maximè num. 29.
 ubi & casum proponit: Si contingat, aliquem diu abesse, & igno-
 rari,

pari, an vivat, vel non : & petat agnatus ejus successionem, asserens, illum præsumi decessisse, uxor verò absentis dicat se conservari debere in possessione bonorum mariti, donec revertatur : nùm vivere adhuc præsumatur.

4. Etsi verò ibidem, post Hieron. Cagnolum, in *l. si emancipati*, 9. num. 92. in fin. *C. de Collat.* decidit. In Judicis potestate atque arbitrio eam quæstionem esse : ut facti circumstantiis, præsumptionibusque adductis, diligenter perpensis, æstimet, an mors satis, aut non satis probata sit ; Ex eo tamen inferendum non est, Judicem propterea gratificari amico, ac in ejus favorem sententiam dicere posse : adeoque omnes tales casus pro amico esse. Alioquin nihil non erit, in quo non affectui indulgere & amico gratificari possit judex : cùm regulariter omnis facti quæstio, cujusmodi etiam est, (an quis mortuus sit, nec ne?) in arbitrio judicantis sit, *l. ordine*, 15. in fin. *pr. ff. ad Municip.* *l. 1. §. 4. ff. ad SC. Turpill.* ex facto autem jus oritur, *l. si ex plagis*, 52. § in cliv. 2. ff. ad *L. Aquil.* *l. 1. §. divus*, 3. ff. ad *L. Cornel. de Siscar.* *l. si non expedierit*, 6. §. 2. ff. de reb. autb. jud. poss. Intelligitur enim utique non plenum arbitrium, & mera voluntas : sed arbitrium boni Viri : quæ in Jure opponuntur. *l. fideicommissa*, 11. §. *quancquam autem fideicommissum*, 7. de legat. 3. *L. si sic legatum*, 79. pr. de Legat. 1. ut, quid verisimilius & æquius, non, quid sibi & amico gratius sit, spectet, & causa cognita decernat : quod notavit etiam, & legibus compluribus confirmavit Idem, quem supra laudavimus, Nicol. Vigelius, in *ration. legend. Juris Controu.* sub reg. 2. except. 2. Boni enim & innocentis viri officio Judicem fungi oportet. *l. cætera*, 4. §. 1. ff. fam. ercisc. Unde etiam Judicem virum bonum interpretatur Venuleius, in *l. concinuus*, 137. §. cum ita, 2. ff. de V. O. magis est, inquit, ut totam eam rem ad Judicem, id est, ad virum bonum remittamus.

5. Ac propterea tantò minùs probandum est, quod Jafon, in *d. l. qui hereditatem*, 19. ff. de A. vel O. H. sub num. 11. in casu longè minùs dubitabili, circa hanc materiam, quæstionem pro amico statuit, quando scilicet heres professus est, se aliquid fecisse, tanquam heredem, nec tamen declaravit, se scivisse,

se, testatorem esse mortuum : an aditio habenda sit pro iusta & valida?

6. Causam tantæ dubitationis & ambiguitatis, Jason, non dicit aliam, quàm auctoritatem Bartoli, eamque incertam & dubiam.

7. In partem enim negantem, ut additionem illam invalidam statuatur, movetur eo, quòd in lectionibus Bartoli, *ad d. t. de acquir. vel. omitt. hered.* hodiè legitur ejusdem *commentatio ad d. 19. d. t.* ubi scribit, & menti tenendum monet, quòd si quis in processu non proposuerit, & deduxerit, se scire vel scivisse; mortuum esse eum, cujus hereditatem petit: etiamsi proposuerit, mortuum illum esse, & se heredem esse, ac pro herede gessisse: processus non valeat, eò quòd non possit se pro herede gerere, nisi, qui sciat, eum esse mortuum, in cujus bonis se pro herede gerere vult. Eamque sententiam Bartoli, ut in interpretatione *d. l. traditam*, refert & sequitur Raphaël Cumenis, ac cautos nos esse debere in articulando monet.

8. In affirmativam verò sententiam, ut additionem eam justam validamque statuatur, movetur eo, quòd in lectionibus manuscriptis Bartoli, illa *Commentatio ad d. l. 19.* non habeatur, nec etiam à Johanne de Imola, Alexandro, & Aretino, ulla ejus fiat mentio: sed etiam ipse Bartolus *ad præced. l. 18. d. t. num. 16.* scribat: Si heres dixerit, se aliquid facere ut heredem, videri eum confessum esse, quod sciverit, mortuum esse eum, cui heres esse vult.

9. Cavendum tamen iterum monet Jason: quòd Bartolus ibi loquatur, quantum ad damnum & præjudicium heredis confitentis: nos autem hic loquamur, quoad favorem & commodum. Ac proinde incertus & fluctuans concludit: *Quoad validitatem aditionis, esse questionem pro amico, si casus in facto contingeret.*

10. Sed hoc est nodum in scirpo querere: & trepidare, ubi nihil timendum est. Dicendum potius simpliciter; Cum is, qui mortui alicujus hereditatem adit, non præsumatur de morte ejusdem dubitare; maxime, si eundem etiam mortuum esse dixerit, ut

ut ex Bartolo proponitur : additionem illam , pro justa validaque habendam esse , donec probetur , quòd eum mortuum esse , nesciverit , aut dubitaverit : nec libellum pro inepto habendum , quò is , qui hereditatem vel bonorum possessionem petit , non expressè posuerit , se scivisse , aut scire , eum , cujus hereditatem aut bonorum possessionem petit , mortuum esse.

11. Denique monendum hic obiter & illud est : Nostri moribus hoc observari , ut si diu abfuerit is , de cujus hereditate agitur : atque ignoretur , mortuus ne sit , an vivat , admittantur ad ejus bona illi , ad quos ea , si reverà mortuus ille sit , qui abest , jure pertinent : verùm sub idoneà cautione , de bonis illis restituendis , si ille vivus redierit. Ut annotatum est in C. I. A. lib. 29. tit. 2. lb. 9. & in disputationibus Boceri , *Class. 2. disp. 11. reb. 21.*

12. Quamdiu autem abfuisse dicatur aliquis , ut proximis ejus ab intestato heredibus , sub cautione , bona permittantur ; itidem in arbitrio prudentis & religiosi judicis est : qui diligenter & sollicitè circumstantias omnes examinabit & perpendet : ne vel justo citius concedendo possessionem bonorum , alios cognatos , quibus ea deferri possent , injurià excludat : vel denegando differendoque , defraudet eos , quibus ea jam tùm jure debebantur. Fieri autem faciliè potest , ut inter moras illas , qui proximi sunt , moriantur , & bona illa vel in solidum , vel saltem pro parte , ad alios devolvantur , qui tùm proximiores aut æque proximi futuri sunt : liberis istorum exclusis , aut tantùm in partem admissis.

Quo facit §. 6. l. de legitim. agnat. success. & §. 7. l. de hered.

qua ab intest. def. & ipsa l. 4. C. de. possum. revers.

QUÆSTIONUM SIVE CASUUM PRO AMICO

SPECIES. VII.

An ex diuturnitate temporis, præsumatur intervenisse præsentia propinquorum, qua requiritur in contractibus Mulierum, ex forma Statuti?

I.

Plurium locorum Statutis cautum est, ut actus à mulieribus gesti, non aliàs justæ rationis sint, quàm, si solennitas quædam intervenierit, & nominatim quidem præsentia cognatorum, sive propinquorum: cujusmodi Statutum etiam est nostræ in civitate: ut, si unà cum marito uxor, se, aut bona sua obligaverit, non aliter obligatio vires habeat, quàm si vel causâ cognitâ, coram Judice, vel in præsentia duorum ex proximis Cognatis mulieris, coram Notario facta sit, ut videre est in Statuto vom ungeerbten außgehen. §. diemeil aber die Weiber.

2. Quid igitur Juris sit, si solennitatem eam intervenisse, sive formam eam observatam esse, non constet: an ex diuturnitate temporis eam intervenisse & observatam esse, præsumendum sit: queritur? Et Jason ait: Esse *quæstionem pro amico*, si in facto contingat, in l. qui in aliena, 6. pr. n. 35. ff. de A. vel O. H. Idque non aliam ob causam, quàm quòd circa hanc quæstionem, Dd. alii ab aliis, imò, quidam etiam à seipsis dissentiant. Affirmativæ enim sententiæ ad stipularem ait, Baldum, Angelum, Imolensem, Arcetinum, & Alexandrum: Negativam autem defendere scribit, eundem Baldum & Alexandrum, atque etiam Raphaelem Cumanum, & Salicetum.

3. Et

3. Et est sanè hæc res Intricator, quàm ut certà quâdam perpetuâque Regulâ definiri possit : ac propterea potius Judicis arbitrio relinquenda videatur, qui perpenſis rei cujusque circumſtantis, æſtimabit, an, & quando ex diuturnitate temporis, ſolennitatem atque observationem necessariam adhibitam eſſe, credendum ſit, ut docet Menoch, in *tratt. de arbit. Jud. Quæſt. & cauſ. cauſ. 505.* & prolixius in *trattatu de præſumpt. lib. 3. præſumpt. 132. num. 27. & ſeqq. uſque ad finem capituli.* non tamen propterea Caſum pro amico ſtatuiſſe conuenit : cùm, ut in quæſtione præcedente diximus, Judicis arbitrium non ſit uſquequaque liberum, plenum ac merum, ſed officio boni viri adſtrictum : ut ſequatur, non quod ſibi vel amico gratius, ſed quod veritati & æquitati magis conſentaneum eſt.

QUÆSTIONUM SIVE CASUUM

P R O A M I C O

SPECIES IIX.

Quid Juris ſit, ſi tam Rei, quàm Aëtoris intentio aqùè fundata reperiaſur ?

I.

Poſſe hîc Judicem ex animi ſui motu gratificari cui velit, adeoquæ Caſum pro amico eſſe. ſcribit Tiraquell. de *Jure primigen. quæſt. 17. opin. 2. num. 5.* [*& ex eo reſert Hilligerus in notatiô ad D. E. lib. 24. c. 19. ſub. lit. Q.*]

2. At verò, rationem & præſcriptum Juris ſi ſequimur : dicendum eſt, ſententiam eo caſu ſecundùm aëtorem dari non poſſe, ſed omninò abſolvendum reum eſſe. Aëtores enim non probante, is qui conuenitur, etiãſi nihil præſtiterit, abſolvendus eſt. *l. 4. C. de edend.* Atqui, cùm peræquè eſt fundata Rei intentio

tentio sive Exceptio, quæ actionem elidit, quàm ipsa intentio Actoris: perinde est, ac si actor nihil probasset, *arg. l. ubi pugnavit. 188. de R. l.* Probationis enim forma, pariterque etiam finis in eo consistit, ut Judici de re dubia & controversa fidem faciat, ut multis confirmatur in *C. I. A. lib. 22. tit. 3. ib. 2. 8. & 12.* At si dem Judici nullam facit probatio ea, quæ tam fortiter repellitur, quam adducitur. Ergo illa probatio revera probatio non est: sed tantum secundum dici. Quomodo D. Augustinus inquit: Facile est cuiquam videri respondisse, qui tacere noluerit. Et D. Luth: putant, id responsum esse, si librum conficiant. eique titulum faciant; *Responsio.* (Sie meinen / es sey geantwortet / wenn sie ein Buch machen / und schreiben darauf das Wörtlein / Antwort.) Atque hanc etiam Communem Dd sententiam esse, multis auctoribus citatis, docet Hilliger, loco suprà nominato, eamque adversus Duarenum, Brönchorstium, & A. Fabrum defendit.

3. Quibus addi potest Pacius, in l. 3. *C. de Reb. Cred.* ita distinguens: Aut causa est æqualiter dubia, ita ut nulla ratio sit, cur Judex in alterutram partem magis inclinet: vel, quia nulla probatio illata est, vel, quia utraque pars æquè probavit: hoc casu judicandum est pro reo convento: aut causa est ita dubia, ut etiam præsumptio sit pro Reo; & multò magis pro eo judicari debet: aut deniq; præsumptio est pro Actore, propter imperfectam probationem ab eo factam: & confugere judex hoc casu debet, ad delationem Jurisjurandi. Quæ distinctio deprompta est ex *c. ult. §. sanè extra, de Jurejur.* Vide tamen etiam Cujac. *lib. 22. Obs. 28. & in recis, ad l. 3.*

C. de R. C.

QUÆSTIONUM SIVE CASUUM PRO AMICO

SPECIES. IX.

*An mutato valore moneta, solutio pensionis;
aut foris, facienda sit juxta valorem, quem moneta tempore Con-
tractus habuit, an, quem habet tempore solutionis; cum
nihil de conventionem Partium ap-
paret?*

I.

Quæstionem hanc inter *Casus pro Amico* disertè refert Jacobus Alemannus, in *palastrâ Consultationum primâ, consult. 8. quæstione principali secunda, pag. 714.* Et est certè valdè difficilis, intricata, atque controversa: ut videre est apud Auctores eos, qui magno numero citantur ab Ernesto Cothmanno, *lib. 1. responsor. 36. num. 91. & seqq. & lib. 4. respons. 50.* Henr. Bocero, *cap. 2. de Jur. moneta. num. 150. & seqq.* Ant. Fabr. *de variis nummarior. debitorum solutionib.* Friderico Martini, *de Censibus. c. 5. num. 62. & seqq.* Besoldo, *in tractat. de Mutuo. c. 9.* Berlichio, *in 2. part. Conclus. prædictar. Conclus. 36. num. 1.* Tessaur. *decis. 174.* qui distinguit, inter creditum usurarium, & emptionem redditus. &c. Reinhardo Grevzo, *lib. 2. præct. Conclus. 73. in coronide. & Osvald Hilligero, in notat. ad d. D. E. lib. 16. cap. 9. sub. lit. M. & apud ipsum Cothmann. d. loc. nec non apud Alemannum in d. Consult. 8. prolixè hanc quæstionem in utramque partem tractantes.*

2. Verum, licet ea in utramque partem rationes satis ponderosas, aut certè speciosas & plausibiles habeat: testatur tamen Mynsing. *cent. 9. obs. 1. num. 4.* præjudicio Camerae Imperialis approbatam esse sententiam eam, quòd solutio fieri debeat, secundùm valorem, qui fuit tempore contractus sive obligationis.

K

Ac

Ac proindè hæc sententia in Respondendo (quatenus sc. de Jure recepto, non quatenus de Jure constituendo quæritur) & Judicando sequenda erit, quousque aliud Jus non fuerit constitutum aut receptum. Cum enim sententia Imperialis, vim legis habeat. *l. ult. C. de LL.* Imperialis autem sententiæ auctoritatem habeat, quod in judicio. Camera Imperialis pronunciatum est: meritiò secundum eum, qui se in ejusdem sententiâ fundat: quamvis illa aliàs Juris controversi sit, judicandum est, ait Vigelius, *in ration. legend. Jur. controuv. sub Regul. 1. Except. 5.* Ac propterea etiam sic, regulam illam secutus, in quæstione propositâ decidit. *cent. 1. decis. 2. & cent. 6. decis. 71.* Eamque etiam decidendi rationem adducit Regnerus Sixtinus, *lib. 2. de Regal. c. 7. num. 152.* Et magnoperè urget Alemannus, *d. Consult. 8. sub ratione decid. 14. p. 627. & seqq.* [Berlich. *d. conclus. 36. num. 5.*]; qui & plurium Curiarum atque Collegiorum similes res iudicatas recensent. Quod & facit Anton, Tessaure. *decis. 174. &*

Alii alibi.

QUÆSTIONUM SIVE CASUUM

PRO AMICO

SPECIES X.

An Clausula Codicillaris, in casu postumi ignoranter præteriti, vim habere debeat, cum testator non longo tempore post natum posthumum, supervixit?

I;

Absolvendæ decadi Quæstionum sive Casuum pro Amico, vltim fuit ultimo loco addere Quæstionem hanc, quam proposuimus: eò, quòd expedire eam possimus, remittendo ad locum ali.

allum, ubi eam plene persecuti sumus : adeoque decadem eam concludere.

2. Haberi autem *Questionem* hanc in censu earum, quas *pro Amico* vocant, significat non tantum Fabius Turretus, in *tractat. de effect. & defect. Claus. Codicill. quæst. 69. n. 1. 76. & 102. infine*, ubi eam non tantum arduam atque dubiam, & de apicibus Juris nominat : sed etiam à se in circulis solitum fuisse proponi, per *verum*, atque optimè in utramque partem defensatam, gloriatur : & denique etiam, post longam negativæ sententiæ defensione, dubietatem tamen articuli stare, & eam compositione potius amicabile, quàm judiciali sententiâ terminandam esse, fatetur. Sed etiam Anton. Fessaurus in *decis. Pedemontan. 141. sub num. 9* cum difficultatem hujus *Questionis*, eam esse profiteretur, ut mediam viam in decidendâ eâ eligere conveniat. Id quod non nisi in casibus pro amico dictis, faciendum esse docet idem, *decis. 89. n. 3.*

3. Verum, licet quoad Dd. opiniones & digladiationes, quæstio hæc satis anceps sit, nec facile tutò affirmari possit, utra opinio sit communior : in tractatu tamen nostro de Codicill. Clausula Codicillari. c. 7. quasi apodicticè demonstratum esse putamus, Affirmativam sententiam Juri scripto prorsus consentaneam esse : Negativam verò ab eodem multis modis aberrare : Ac proinde non illam, sed hanc in judicando sequendam esse ei, qui non ex proprio arbitrio, merâque voluntate, sed ex Juris præscripto, ut debet, judicare velit.

*Questionum siue Casuum pro
Amico*

F I N I S.

K 2

DN.

DN. JOH. MELCHI-
ORI BITSCHIO,

Pro

Consequendis in utroq; fure
HONORIBUS DOCTORALIBUS,

SOLENNITER DISPUTANTI.



S felix *Genitore* tuo, qui no-
mina laudis
Magna sibi peperit,perpe-
tuumq; decus :
Sed felix potiùs , quando , ut vestigia
Patris ,
Omnia conando , ritè sequare ,
studes.

Gra-

Gratulor hos ausus , ut & hæres uni-
cus ampli
Nominis es , nomen sic tueare,
precor.

Amoris officiiq^{ue} testandi ergo
scrib.

JOHANNES SCHMIDT SS. Th. D.
Prof. Ord. Conventus Eccl. Præses.
& h. t. Coll. Theol. Decan.

Cum Patre qui nullum casum cognoscit
Amici,
Is Nobis , BITSCHI, verus Amicus erit.

Ita eximio DN. BITSCHIO
Candidato meritissimo

gratulatur

GREGORIUS BICCIUS, U. J. D.
Pandect. Prof. & Colleg. Jurid.
Decanus.

Quod mea Consulti , BITŒCHI rē-
sponsa sequutus ,
In lucem profers , aurea Scripta
Patris:
Vindiciasque simul , si quis contende-
re contra
Gestiat , ac forti pectore bella pa-
ras;
Carmine , quod poscis , nequeo : sed
guttare toto
Dilaudo coeptum. Cætera si dede-
ris.
Phœnicem dicet (redivivum in prole
Parentem)
Una duos celebrans , *Gloria BIT-*
SCIADAS,

Invita planè Minerva , adscr.

JOHANNES OTTO TABOR D.

Filius

Amplissimo suo
BITSCHIO,

BITSCHI, qui teneris primùm mihi notus
ab annis,

Inter præcipua nomina amicitia.

Nunc etiam coleris, candore fideque probatus,

Æmulus & Clari nomina docta Patris.

Hujus præclaros tua nunc pia cura labores

Afferit, & merita lucis honore beat :

Ominor hinc, similem fama laudique paterna,

Aucturam summo te quoque honore Thèmin.

Sic vovet

A. SCHIFFMANN,

